



一夕話

卷二

16
97
2



門 99  
卷 2



白折了

迂腐類

彈髮御史

孝經退賊

又

獻策官銜

郡守忌諱

束帶耕田

敬妻



務娛樂

迂腐有種

反支日

罵畜產

諱已名

讀父書

妻犯齋禁



百忌曆

李退夫

怪誕類

刘澄

吴夫人

噴點糜墨

且捫且嗅

謬悞類

姓

心中有妓

縣太僕

易柱

洗靴

倪雲林

杜默

我故伯喈

醫談

誤赴去年席

我竟何如

語誤

蔡伯喈

死不敢違旨

董公遮

不韻類

不洗脚

全似我家

毋勞盛饌

姓誤

又

閩娼老尾

劉述引古

堯舜疑事

黨進画真

俗識

黃居難

癖嗜類

措大言志

嗜瘡痂

嗜瓜

嗜臭虫

好睡

王畧帖

好古

推敲

好奕

好脚嗅

越情類

奇勝

寬恕

局劫更急

佻達類

債癖

袁尹

劉公榮

阮籍

楊用修

王子猷

郭恕先

羊脾

貧儉類

珊瑚筆格

歸麓泉

半邊聖人

漢世老人

沐俊類

人抱甕

孫純

為甚的

厨中人

香唾盂

肉雙陸

炭氏湖器

淫籌

貪鄙類

言志

抱雞養竹

負布

死友

神僊酒

驚恐類

以人命戲

剖視腸腹

試刑

周興

肉鼓吹

杖妻

符生

勇士相炎

皇甫湜

穆寧

王思

陳都憲事

豐南禺

容悅類

代犧啻

偷媚

冒族

雞鳴犬吠

松壽

金作首飾

敬名

謙稱

拜

父誦子

懷相國詩

匾饅首

奔喪

馬希樂

劉副使

傍若無人

領過半揖

顏甲類

急淚

唐宋士子

杜肅

萬安

冒從姪

林連孫

李慶遠

劉生

修史人

假冒

裔壻

閨誠類

潘妃

宜城公主

裴談

安鴻漸

四畏堂

車武子婦

池水清

擊僧

謝太傅夫人

妬花

任瓌二姬

賀喪妻

面首

委悅類

趙翁

醜陋

短而偃

中古冠

縮頭

白髮

白鬚

青衣

眇

又

口吃

俞潭水

劉貢父

茂彪

臀大

夫婦

儂美類

石動筍

靴直

石學士

侯白

石

石

蘭玻

李章

烏官

烏飯毳飯

張端

西准

家人

猶加謹焉

癖方

遊赤壁

巡按挈家

牛何之結

王戎後身

龍德化

比玉居

痔字

機警類

馬氏

諸葛瑾

元孚

秦宓

孔文舉

蔡潮

公猴

江南妓

趙孟頫

劉原父

禿字

大还丹

儒匠

羊蟹

歐陽長孫

張元祖

郭曾

歸皮



盧狄

崔季珪

達毅王達

剪髮圖

輪迴報應

辨鬼

觀燈

左右手

字說

又

牝牡雌黃

捕蝗檄

雅浪類

捨命陪君子

斬閻老子

早雷

安胎事七

死後佳

大八字

周文襄

三甲進士

僧頌語

縮五德

阿房宮賦兩句

微詞類

清涼散

不語唾

五經題

半日間

趙良臣

江萊羅

書午字

滕甫類虞舜

鴛鴦樓

元欽師

卿老墾荒

三星

擲上么

黃幡綽

典史

尹字

姓名謔

王廿姓

王盧

又名

安名

陳亞蔡襄

上官粥

賈黃中盧多遜

蘊子曉姜制之

陸遠

戚髡陳鑑

侶鍾強珍

張更生馬千里

石員外

職方翰林

劉貢父

石動角

二劉謔語

俗語歇後

王三六四

蘇談姓嘲

君子之交

合同而化

溺愛不明

尤物移人

朝回

夫蝨類此

陸伯陽

舌

目

王和尚

無法無聊

吳妓張蘭

醜婦八字

琵琶卜

補遺類

八字無憑

敬神戲夢

學裡先生

講成丘蒙章

小試胃籍

當乾一頭

孝子不跪

筆跟不上

真羞百倍

第半

并个現在

從心

丑棍

壽星頭

類何種子方類談何談非常談如是狀元名異云何談各從

其類娶妻買婢其中無名教中自有六頭子其主教中樂

思古人實獲我心所謂古人

去

邪怨先放曠不羈宋太宗召赴闕館於內侍

合

要妻買駝  
蘇子不籍  
野野  
對全無益

六龍子  
水云各異  
壽星題  
然以

一夕話

類何類非常類談何談非常談如是咄上夫偶拈我聞於意云何談各從  
其類也樂亦在其中矣名教中自有樂地斯其三教中樂地  
乎我思古人實獲我心所謂古人蓋古怪人也集類談一  
夕話畢

癡絕類

去髯

郭恕先放曠不羈宋太宗召赴闕館於內侍竇神興舍恕先長

髯而美一日忽盡去之神與驚問其故曰聊以效顰

喜得白

薪門老儒朱野航頗攻詩館於王氏與主人晚酌罷主人入內  
適月上朱得句云萬事不如盃在手一年幾見月當頭喜極發  
狂大叫嗚呼主人起舉家皇駭疑是火盜及問始知乃取酒  
更酌

持負薪

閩人周朴性喜吟詩時適野逢一負薪者忽持之厲聲曰我得  
之矣白云子孫何處為閩客松栢被人伐作薪樵夫驚駭掣臂  
棄薪而走遇樵卒疑樵者為偷兒執而訊之朴徐往告卒曰適  
見負薪因得向耳卒乃釋之一士人欲戲之一日跨驢於路見  
朴來故歌帽掩面吟朴舊詩云禹力不到處河聲流向東朴聞  
遽隨其後士促驢而去畧不顧行數里追及語曰僕詩河聲流  
向西非向東也士人頷之而已閩中傳以為笑

駭癡

崑山孫默齋孫性駭已破家盡矣惟餘兩坐杌一日見獲鼈過  
者欲買而無錢以一杌與換之其人將杌售鄰家鄰家意欲成  
對其人曰易耳乃復以鼈往換孫頓足曰何不來早果有一杌

一夕話  
造已碎作薪煮鼈矣

妬癡

知此二字方知傷心之法

崑山某秀才有疑疾夜在家嘗伏暗處俟其妻過據前堵之妻  
驚呼則大喜曰吾家出一貞婦矣一日喚土工甚急繼之以怒  
乃就之問何造作指門內壁間一隙曰為塞此工愠曰撥此而  
來宜先其急者答曰汝何知此隙雖小間壁有瘦長漢儘可鑽  
入吾是以汲之也

秦擗通奸

常熟秦廷善性多憨怪嘗閱史至不平必拊案切齒一日觀秦  
檜殺岳飛大怒且拍且罵妻勸之曰家惟十几已卒其八矣  
此喫飯亦好廷善叱之曰汝與秦擗通姦耶遂痛擊之

莫吃冷湯水

王溥父祚致仕家居呼一瞽者問壽歷舉八十九十以至百歲  
皆云未也此壽星命最少亦須一百三四十歲詐壽甚令更推  
中間莫有疾厄否瞽者細數至百二十歲時曰祇此年流星欠  
利祚便驚愕瞽者曰無傷也微苦臟腑尋便安耳祚回顧子孫  
在後侍立者曰爾輩切記此年莫着我吃冷湯水

劉禪

司馬文王問劉禪思蜀否禪曰此間樂不思卻正教禪若再問  
宜泣對曰先墓在蜀無日不思會王復問禪如正言因閉眼王  
曰何乃似卻正語禪驚視曰誠如尊命

晉惠帝

晉惠帝在華林園聞蝦蟇聲問左右曰此鳴者為官乎為私乎  
侍中賈胤對曰在官地為官在私地為私時天下荒饑百姓多  
餓死帝聞之田何不食肉糜

埋錢

宋明帝奢費過度府藏空虛乃令小黃門於殿內埋錢以為私

藏

蠡父

蘓州徐檢菴侍郎老而無子晚年一妾懷孕臨蓐欲產徐預使  
日者推一吉時以其尚早勸令忍勿生逾時子母俱斃

蠡子

吳蠡子年三十倚父為生父年五十矣遇星家推父壽當八十  
子當六十二蠡子泣曰我父壽止八十我到六十以後那二年  
靠誰養活

蠡夫

類談

越中一士登科。即於省中娶妾。同年友問曰：新人安在？答曰：寄於湖上蕭寺。同年云：僧俗恐不便，答曰：已扁之矣。同年云：其如水火何？答曰：鎖鑰乃付彼處。

呆刺史

周定州刺史孫彥高，被寇圍城，不敢請。聽文符須徵勞者於小窗接。入鎖州宅門，及報賊登壘，乃身入櫃中。令奴曰：牢掌鑰匙，賊來慎勿與。

門蠅

北史庫狄伏連，居室患蠅。杖門者曰：何故聽入？

我馬尚在

王皓字季高，性濡緩。曾乘一赤馬，旦蒙霜氣，遂不復識。自言失馬，虞候為求，不獲。須臾日出，馬骸霜盡，繫在日前方。云：我馬尚在。

哭姊

李文禮性遲緩。時為揚州司馬，有吏自京還，得長史家書云：姊亡。李倉卒聞之，便大慟。吏曰：是長史姊李徐，悟曰：我無姊，而亦怪道。

周用齋事

類談

五



崑山周用齋先生性絕騷。處館值黃梅時見主家暴衣問其故。曰凡物此候不經日色必招濕氣。周因暴書囊并啓東脩陳之。館童竊數件去。周往視訝其減少。童詒云為烈日所銷耳。偶舟行見來船過舟甚速。訝問之。僕以兩來船對。乃笑曰造舟者何愚也。倘盡造兩來船豈不快耶。後成進士。過吏部堂令通大鄉貫。周誤以為大鄉官。乃對曰敝鄉有狀元申瑤。老吏部知其騷。魔使去出謂同人曰尚有王荆老未言。適堂上色頗不豫。想為此也。又往婁東吊王司馬。時元美遊先誤詣王學士宅。荆石以省親在告學士錦衣出。迓周不審視。遽稱學公可憐者。再學士曰老父

幸無恙。周曰公尚未知學人耗耶。已為朝廷置法矣。學士笑曰得毋吊鳳州乎。周悟非是。急解素服言別。學士命繼原刺。周曰不須見。還即煩公致意可也。其憤多此類。

又聞先生諸事憤獨工時藝。初佳為縣令。既升堂端坐。不語吏。請食書以嘗之。周怒曰賊狗奴。總想得一佳破為汝攪亂矣。

鍾生好仙。每向人曰。做得半日仙人。而死亦所瞑目。  
鑽火

魏人夜暴疾命門人鑽火。是夕陰暝，督促頗急。門人忿然曰：君責人亦大無理。今聞如漆，須將火照我方。可覓鑽火具耳。

刻舟

楚人有涉江者，其劍自舟中墜，持水遽刻其舟曰：是吾劍所墜處也。舟盡及岸，從刻處入水求之。

沈屯手

沈屯子入市，聽唱書。至楊支廣被圍柳城內，乏糧，外阻救。覺然與軟不已。友往之，歸曰：夜憂念不置，曰：文廣圍困至此，何由得解。家人因勸出，遂以持其意。忽見擔竹入市者，則又念曰：竹來甚銳，道上行人必有受其刺者。歸益憂，病家人為之請巫。曰：稽冥籍若來世當輪迴作女人，所適夫麻哈回也。貌甚陋，沈憂病轉劇。親友來省者，慰曰：善自寬，病乃愈耳。曰：若欲吾寬，須揚文廣圍解，負竹者歸家。麻哈回作休書見付，乃得也。

迂仙別紀八則 正欲爾

迂公出遭酒人於道，見毆。但叉手聽之，終不發言。或問何意，曰：儻我彼自抵命，吾正欲其爾。

老子命蹇

迂公與衛隱君奕，衛着白子，公大敗。積死子如山，枰中一望浩

白公痛懊曰老子命蹇拈着黑棋

何無賊

鄉居有偷兒夜瞰公室公適歸遇之偷兒大恐棄其所衣羊裘而遁公拾得之大喜自是羊裘在念入城雖丙夜必歸至家門庭晏然必蹙額曰何無賊

狗病目

公病目將就匠適夫卧階陰公跨之誤躡其項狗遽齧公裳裂公舉示醫戲之曰此當是狗病目耳不爾何止敗君裳公退思狀主小事暮夜無以司儆乃調藥先飲狗而以餘瀝自服

五百金

里中有富家行聘盛筐篚而過公門者公夫婦並觀之相謂曰吾與爾試度其幣金幾何婦曰可二百金公曰有五百婦謂必無公謂必有爭持至夕遂相詈毆婦曰吾不耐爾竟作三百金何如公猶詬誶不已鄰人共來勸解公曰尚有二百金未明白可是細事

頗亦有年

公嘗醉走經魯參政宅便當門嘔噦其闈人呵之曰何物酒狂向人門戶泄瀉公睨視曰自是汝門戶不合向我口耳其人不

類談

為記

覺失笑曰吾家門戶舊矣豈今日造而對汝口公指其嘴曰老子此口頗亦有年

浪得名

家有一坐頭絕低矮公每坐必取甕片支其四足後不勝煩忽思得策呼侍者移置樓上坐及坐時低如故乃曰人言樓高浪得名耳遂命毀樓

白折了

久雨屋漏一夜數徙牀卒無乾處妻兒交詬公急呼匠者葺治勞費良苦工畢天忽開霽竟月晴朗公日夕仰屋嘆曰命劣之人繞葺屋更無雨豈不白折了也

迂腐類

舞髮御史

宋御史臺儀凡御史上事一百日不言罷為外官有王平拜命垂滿百日而未言事同僚訝之或曰王端公有待而發必大事也一日聞進劄子衆共偵之乃彈御膳中有髮其彈詞曰是何穆若之容忽覩髮如之狀

務娛樂

宋侍讀林瑀自謂洞析周易嘗以仁宗時合易之需上之象曰

君子以飲食宴樂須頰宴遊務娛樂方合卦辭而天下治仁宗駭其說斥之

孝經退賊

張角作亂向栩上便宜不須興兵但遣將控河上北向讀孝經賊自消滅

迂腐有種

唐昭宗時鄭榮為相太原兵至渭北榮奏對請於文宣王謚號中加一哲字後榮孫珣相梁末帝唐莊宗兵入汴帝惶恐不知所為珣獻一策願得陛下傳國寶馳入唐軍以緩其行而待救兵之至帝曰寶不足惜願卿之行能了事否珣俛首徐思曰但恐不易耳

又

開元間上東封泰山歷城令杜豐辦供應以為從幸人多設有不虞倉卒無備乃造山器三十具真諸行宮光彩赫然而刺史駭謂上封嶽祈福誰造此不祥將索治豐逃卧妻牀下詐死得免時豐子杜鍾為兗州參軍掌廐馬芻豆曰御馬至多廐日煮之不給不若先辦乃煮粟豆二千餘石熱納窖中及至皆臭敗矣

反支日

王莽敗張竦客池陽知有賊當去會反支日不去因為賊所殺

獻策官銜

高郵學正夏有文弘治末獻書闕下曰萬世保豐永亨管見上嘉之更管見二字曰策夏丞書官

天子改為策字高郵州學正夏有文

罵畜產

劉寬嘗坐客遣蒼頭市酒去久大醉而還客不堪之罵曰畜產寬使遣人視奴無恙否顧左右曰此人被罵畜產辱莫甚焉

吾懼其自殺耳

歸太僕

歸太僕有光謫官吳興每治事胥吏輦環擠案旁幾不容坐歸以殊筆飽醮捉向諸人曰諸君若不速退我便灑將來也合堂大笑

郡守忌諱

郡守某忌諱特甚初下車丁長孺來謁賀怒其姓拒之再三涓人解其意改丁為于乃欣然出見一日御史臺有大獄當讞續中有病故字吏以手掩之守見文義不續以筆擊去吏指忽覩

類談

一夕話  
此字勃然色變急取文書於案桌足下旋轉數次口誦乾元亨  
利貞合堂匿笑  
此字是如七教的

束帶耕田

原平墓下有數十畝田不屬原平每農月耕者袒裸原平不欲  
使慢其墳墓乃歸賣家贖買此田三農之月輒束帶垂泣躬自  
耕墾

讀父書

顧愷讀父書每句應諾

敬妻

唐薛昌緒與妻會必有禮容先命女僕通語再三然後秉燭造  
室至於高談虛論茶果而退或欲就宿必請曰某以繼嗣事重  
輒欲卜其嘉會候報可方入  
仍自不研

妻犯齋禁

周太常澤清潔守禮嘗卧病齋宮妻關問所苦周以干犯齋禁  
怒送詔獄

百忌曆

李戴仁娶閻氏年甚少與之異室私約有與則見一夕閻忽叩  
戶戴仁取百忌曆看之大驚曰今夜河魁在房不可行事謝到

而巳。關慙去。

心中有妓

兩程夫子赴一士夫宴。有妓侑觴。伊川拂衣起。明道盡歡而罷。次日伊川過明道齋中。愠猶未解。明道曰。昨日座中有妓。吾心中却無妓。今日齋中無妓。汝心中却有妓。伊川自謂不及。

李退夫

宋冲晦處士李退夫者。為事矯異。居京師北郊。一日種芡。妾俗傳口誦穢語。則茂退夫撒種。密誦曰。夫婦之道。人倫之本。云云。不絕口。忽有客至。命其子畢之子。執餘種曰。大人也。曾上聞。

怪誕類

劉澄

遂安令劉澄有潔癖。在縣掃拂。郭邑路無橫草。水翦蟲穢。百姓不堪。

易柱

王思微好潔。左右提衣必用白紙。裹手指。宅中有犬。汗屋棟。思微令門生洗之。意猶未已。更令刮削。復言未足。遂令易柱。

吳夫人

劉公夫人吳性好潔。與公不合。公自江寧乞歸私第。有一官藤。



床○吳○假○用○未○還○官○吏○來○索○左○右○莫○敢○言○公○直○跣○而○登○牀○偃○仰○良○  
久○吳○望○見○即○命○送○還○

洗靴

米○元○章○有○潔○疾○盥○手○以○銀○為○斗○置○長○柄○俾○奴○僕○執○以○瀉○水○於○手○  
呼○為○水○斗○已○而○兩○手○相○拍○至○乾○都○不○用○巾○拭○有○客○造○元○章○者○去○  
必○濯○其○坐○榻○巾○帽○亦○時○洗○滌○又○朝○靴○偶○為○他○人○所○持○心○甚○惡○  
之○因○屢○洗○遂○損○不○可○穿○

唾點磨墨

周○仁○熟○與○米○芾○交○契○一○日○芾○言○得○一○研○非○世○間○物○殆○天○地○秘○藏○

待○我○識○之○答○曰○公○雖○名○博○識○所○得○之○物○真○贗○各○半○持○善○誇○耳○芾○  
喜○發○笥○檢○取○周○亦○隨○起○索○巾○滌○手○者○再○若○欲○敬○現○狀○芾○喜○出○研○  
周○稱○賞○不○已○且○云○誠○為○尤○物○未○知○發○墨○何○如○命○取○水○未○至○亟○以○  
唾○點○磨○墨○芾○色○曰○一○何○先○恭○後○倨○研○污○矣○不○可○用○周○遂○取○歸○

倪雲林事

倪○雲○林○名○璿○字○元○鎮○性○好○潔○庭○前○有○梧○桐○樹○旦○夕○汲○水○揩○洗○竟○  
至○稿○死○嘗○留○友○人○宿○齋○中○慮○有○污○損○夜○三○四○起○潛○聽○焉○微○聞○漱○  
聲○大○惡○之○凌○晨○令○童○索○啖○痕○不○得○童○懼○答○拾○敗○葉○上○有○積○垢○似○  
啖○痕○以○塞○責○倪○掩○鼻○閉○目○令○持○棄○三○里○外○其○寓○鄒○氏○日○鄒○塾○師○

有壻金宣伯一日來訪倪聞宣伯儒者倒屣迎之見其言貌粗率大怒掌其頰宣伯愧忿去鄒出頗怪之倪曰宣伯面目可憎語言無味吾斥去之矣

且捫且嗅

倪元鎮於女色少所當意一日春金陵趙歌姬留宿別業心疑不潔俾之浴既登榻以手自頌至踵且捫且嗅捫至陰復俾浴凡再四東方既白不復作巫山之夢

亭館奇名

江西右諭蕭大山好奇之士名其堂曰堂上堂軒曰軒上軒亭曰亭上亭陳越經江西蕭邀飲遍歷亭館以觀其隘至一洞曰戲之曰何不云洞上洞蕭為不憚

杜默

和州士人杜默累舉不成名因過烏江入謁項王廟時正被酒霑醉才炷香拜訖徑升偶坐據神頸拊其首而慟大聲語曰大王有相虧者英雄如大王而不能得天下文章如杜默而進取不得官語畢又大慟淚如迸泉廟祝畏其獲罪扶掖以出秉燭檢視神像垂淚亦未已

謬誤類

類談

十五

人語  
大誤

疑姓

陽伯博任山南一縣丞。其妻陸氏，名家女也。縣令婦姓伍，他日會諸官之婦，既相見，縣令婦問贊府夫人何姓，答曰：姓陸。次問主簿夫人，答曰：姓戚。縣令婦勃然入內，諸夫人不知所以，欲却回。縣令聞之，遽入問其婦，曰：贊府婦云姓陸，主簿婦云姓戚，以吾姓伍，故相弄耳。餘官婦賴吾不問，必曰：姓八，姓九，矣。令大笑曰：人各有姓，復令婦出。

我故伯喈

張伯喈仲喈兄弟，貌絕相類。仲喈妻妝竟，忽見伯喈，戲曰：今日粧好否？伯喈曰：我伯喈也。妻急趨避，須臾又見伯喈，復以為伯喈，告曰：向太錯誤。伯喈曰：我故伯喈。

醫誤

金華戴元禮見一医家，迎求溢戶，戴日往視焉。偶一人求藥者，既去，追而告之曰：臨煎時下錫一塊，戴始大異之，念無以錫入煎劑，法特叩之。答曰：是古方，戴求得其書，乃錫字耳。戴急為正之。

陳太常四則全似我家

陳音字師召，莆田人，有文行而性恍惚。一日朝回，語從者曰：今

過未  
忘

不  
忘

日訪某官從者不聞引轡歸舍師召謂至其家矣升堂周覽曰  
境界全似我家又觀壁間畫曰我家物緣何掛此既家僮出叱  
之曰汝何亦來此僮曰故是家師召始悟

誤赴去年席

陳師召檢書得友人招飲帖忘其昔所藏也如期往累茶不退  
主人請其來故曰赴君飲耳主人訝之難於致詰具酒飲罷方  
憶去年此日曾邀飲也

毋勞盛饌

刑部郎中浙江楊某字文卿而山西楊文卿為戶部郎中一日

浙江楊氏招師召飲而師召造山西楊氏時文卿尚寢聞其來  
亟起迎之坐久師召不見酒肴乃謂曰觴酒豆肉足矣毋勞盛

饌文卿愕然應曰諾入告家人使治具俄而浙江楊氏使人至  
白以主翁久候師召始悟曰乃汝主耶吾誤矣一笑而去

我竟何如

陳師召嘗信宿具饌邀客早盡忘之逕造其家雙陸將午不申  
宿約客反治具留餐頃之家人來促上席師召未審視疑是別  
家來招怒謂之曰汝請我主人去我竟何如

姓誤

類談

十一

何敬容在選日。客有姓吉者請之。敬容問曰。卿與丙吉遠近。答曰。如明公之與蕭何。

語誤

元帝皇子生。普賜群臣。殷洪喬謝曰。皇子誕育。普天同慶。臣無黷焉。而猥頒厚賚。帝笑曰。此事豈可使卿有黷耶。

又

劉髦二子俱登進士。長子婦入京。公送登舟。以手援之。郡守見而笑。公曰。府公笑我乎。若跌入水。尤可笑也。次婦入京。公時卧疾。呼之床前。曰。老年頭風。可買一帕寄回。明旦登程。諸親畢會。忽呼子婦曰。毋忘昨夜枕上之囑。眾駭。然問其故。乃始撫掌。

蔡伯喈

江南一驛吏。以幹事自任。典郡者初至。吏曰。駟中畢備。請閱之。刺史入酒室。見一像。問之曰。是杜康。又入茶室。見一像。問之曰。陸鴻漸。刺史大喜。又一室。請菜畢。備亦有一像。問之曰。蔡伯喈。刺史大笑曰。此不必。若到飯堂。必肖米元章像。到馬坊。必肖司馬遷像矣。

閩娼老運

閩中一娼。色且衰。求嫁不遂。乃決之術士。云。年至六十。當享富。

貴之養。媪以為不然。後數年。聞人有子。從幼為鬻人者。聞其好尚存。遣人求得之。館於外第。翌日出拜。見其貌鄙陋。耻之不拜。而去。語左右曰。此非吾母當更求之也。左右窺其意。至闕求美儀觀者。乃得老媪以歸。至則相向慟哭。日隆奉養。閱十數年而破。

死不敢違旨

有一狼子。生平多逆。父旨。父臨死。囑曰。必葬我水中。異其逆命。得葬土中。至是。狼子曰。生平逆父命。今死不敢違旨也。乃築沙潭。水心以葬。

若要違命亦復何難付之火化可也

劉述引古

劉述字彥思。性庸劣。從子侯。疾甚。述往候焉。其父母相對涕泣。述立命酒肉。令侯進之。皆莫知其意。或問之。答曰。豈不聞禮云。有疾飲酒食肉可也。又嘗有喪。值其子亦居憂。客問其子安否。答曰。所謂父子聚麀。何勞齒及。

董公遮

淳熙丁未。洪景盧知舉。一考官大笑。絕倒問之。則云。試卷中有用董公遮說漢王事。以公遮為董三老之名。

一 后 頤 矣

堯舜疑事

歐文忠知貢舉省闈故事士子有疑許上請至日午猶有喋  
弗已者過晡稍隙與諸公方酌酒賦詩士又有叩簾者文忠復  
出所問士忽前曰諸生欲用堯舜字而疑其為一事或二事惟  
先生教之觀者闕然笑文忠不動色徐曰似此疑事誠恐其誤  
但不必用可也

不韻類

不洗脚

北史陰子春身服垢汚脚常年不洗云洗輒失財敗事婦甚  
惡之曾勸令一洗不久值梁州之敗謂洗脚所致大恨婦遂終  
身不洗

黨進畫真

黨進命畫工寫真寫成大怒詰畫師云我前時見畫犬蟲猶用  
金箔貼眼我消不得一對金眼睛

俗識

南省鄉試前一日居亭主必煮蹄為餉取熟蹄之識也又錫邑  
呼中字如粽音凡大試則親友贈筆及定勝糕米粽各一盒祝  
曰筆定糕粽又宗師歲考前一日往上有禱於闈聖者或置等

身不洗

子一件於神前謂之一等其祝文云伏願瞋睡瞭高犯規矩而不捉朱衣暗點昆文章而亂圈更可笑

黃居難

東丹國長子奔唐賜姓李名華頗習詩文甚慕白居易思配擬之每通名刺曰鄉貢進士黃居難字樂地

癖嗜類

措大言志

東坡云有二措大相與言志一曰我生平不足惟飯與睡耳日得志當飽喫飯了便睡了又喫飯一云若我喫了又喫何暇復睡

嗜齋茹

劉邕愛食齋茹嘗詣孟靈休孟先患疾齋茹落牀上邕取食之孟夫驚茹未落者悉號取餽邕南康國吏二百餘人不問有罪無罪遞與鞭齋茹嘗以給膳

嗜瓜

唐叔長孺好嗜人瓜將自廣陵赴關郡公餞飲控禪院有狂士蔣傳者於健步及諸傭保處得瓜甚多以紙裹候長孺酒酣進之曰侍御遠行有少佳味奉獻長孺捧視欣然如獲千金飽涎



流吻連撮啖之甚愜思欲

嗜臭蟲

叙南節度鮮于叔明好食臭蟲時人謂之蟻蟲每散令人採拾得三五升即浮於微熱水上以泄其氣候氣盡以酥及五味熬之捲餅而食云其味甚佳

好睡

華亭丞謁鄉紳見其未出座上鼾睡頃之主人至見客睡不忍驚對座亦睡俄而丞醒見主人熟睡則又睡主人醒見客尚睡則又睡及丞再醒暮矣主人竟未覺丞潛出主人醒不見客亦

入九張東海作睡丞記

王累帖

米元章在真州嘗謁蔡攸於舟中攸出右軍王累帖示之元章驚歎求以他畫相易攸有難色元章曰若不見從某即投此江死矣因大呼據船舷欲墮攸遂與之

好古

彭淵材遊京師十餘年其家饘粥不給以書召歸乃跨一驢以一點挾其布囊親知相慶曰可脫凍餒之厄矣淵材喜見鬚眉曰吾富可埒國既開囊乃李廷珪墨一塊文與可墨竹一枝歐

陽公五代史草稿一巨束餘無所有

推敲

賈島初赴京師一日於驢上得句云鳥宿池邊樹僧推月下門已欲改推字為敲商之未定遂於驢上吟我時引手作勢時韓愈吏部叔京兆尹島不覺衝至第三節左右擁至尹前尚為手勢推敲未已愈問知之為定敲字又島騎驢天衢得落葉滿長安向厲對未得因唐突京尹劉栖楚被繫一夕而釋

好奕

李訥僕射性卞急酷尚奕棋每下子安詳極於寬緩往往躁怒

作家人輩則密以棋具陳於前紙一觀便欣然改容命子布篋都忘其志

好脚臭

吳中岳乙喜聞脚臭嘗值晏會忽不見或曰彼非逃酒者殆必有故令人偵之則道傍有竹客方氣息理脚纏穢氣蒸人是人低回留之不去

越情類

奇膽

嘉靖中錫人王富張祥俱有膽素不畏鬼夏日同飲溪上日且

哺未醉王曰隔溪叢塚中昨送一新死人吾能乘流而過出其  
屍於棺外張曰吾能黑夜出之王曰果爾輸汝臘釀一瓮俄而  
日沒張子方欲入水而王急歸家取酒張遂過溪迂迴而上見  
棺已離蓋方疑之忽棺中出兩手抱張頸張懼私祝曰汝少出  
俟我賭勝明日當奠而埋汝言畢抱益急張大叫聲漸微溪傍  
人家聞聲群持火來照抱張頸者乃王也蓋詭言取酒從濶處  
先渡出屍而上棺中耳因相與大笑比過溪月已上矣時方大  
瘧而二子竟無疾

寬恕

老  
乃  
乃

陽城嘗絕糧遣奴求米奴以米易酒醉卧於路城迎之奴未醒  
乃負以歸及奴覺謝罪城曰寒而飲何害也

昭燕有一鄉老訪友以一僕駕舟友人留飲僕遂沾醉卧舟  
申鄉老欲歸不得已解衣自棹偶道上一人欲附舟呼之鄉  
老惛不答其人呼不已僕於舟中瞑目大聲曰便附一附何  
妨鄉老憤甚鼓棹甚急道上人聞之罵曰舟中家主已允從  
附搖櫓家人反不肯大罵不止而去

局叔更急

阮簡字茂弘為開封令有叔賊吏白曰甚急簡方與客圍棋長

頌  
頌

嘯吏曰叔急簡曰局上劫亦甚急

佻達類

債癖

祝京兆有債癖嘗托言款客往友家借銀鑲鐘數事既借主人  
心疑遣僕隨其後察之則已汲上擗銀而棄胚於外矣僕追止  
之京兆曰借我即我物也汝欲用亦拏一二事去不妨又歲盡  
之用遍走東拉西親知托言弔喪借得白員領共五十餘件并  
付質庫過歲首諸家奴雲集則皆索白員領者也覓典票已失  
之矣

袁尹

袁尹疎放好酒嘗步櫟白楊郊野間道遇一士人便呼與酣飲  
明日此人謂被知遇詣門求通袁曰昨飲酒無偶耶相共耳勿  
復為煩

劉公榮

劉公榮與人飲酒雜擻非類人或譏之答曰勝公榮者不可不  
與飲不如公榮者亦不可不與飲是公榮輩者亦不可不與飲  
故終日共飲而醉

阮籍

鄰家少婦有美色○當壚沽酒籍嘗請飲○醉便卧其側○兵家女有才色○未嫁而死籍不識其父兒徑往哭之○盡哀而返

楊用修

楊用修在瀘州○常醉胡傳粉面作雙了髻○插花門生昇之○諸伎捧觴遊行城市了不為作

王子猷

王子猷字徽之居山陰○夜大雪眠覺開室命酌酒○四望皎然因起傍皇詠左思招隱詩○忽憶戴安道時戴在剡○即便夜乘小船就之○經宿方至造門不前而返○人問其故王曰○吾本乘興而來

興盡而返何必見戴

郭恕先

郭恕先善畫○有求者必怒而去○意欲畫即自為之○時與役夫小民入市肆飲○曰吾所與遊皆子類也○富岐下時有富人子喜畫○日給醇酒待之甚厚○久乃以情言且致足○素郭為畫小童持線車○放風鳶引線數丈○滿之富人子大怒與郭遂絕

羊脾

歸登常爛一羊脾○旋割旋啖封其殘者○婦於封處割少許食○登驗之大怒誓不食肉

貧儉類

鴨子

韶州鄧祐家巨富奴婢千人莊田綿亘未嘗設客孫子將一鴨子費用祐以擅破家貲鞭二十

珊瑚筆格

那程子

錢思公性儉約子弟非時不能取一錢有珊瑚筆格平生愛惜子弟竊之公榜以十千購之子佯為求得以獻欣然以十千與之一歲率五七如此

歸蕪泉

程

鄭

公

張

吳人歸副使蕪泉富吝俱極暑月暴水日中浴之省爨薪也平家食未嘗御肉客至未嘗留款一月有內親從遠方來必欲同飯乃解袖中悅角上五錢使人往熟店批數片肉至無醬復解一錢市得便爇其不佳使還之仍取錢已問醬楪何在尚有餘鹹味足消此肉也幼兒見食條糖者而泣值租入時乳母奉內命將米半升易糖公適自外來見之詰其故乃取糖一根自折少許嘗之復折少許置兒口謂曰味止此耳何泣為即還糖取米賣者言糖已損乃手撮數粒償之

半邊聖人

類談

十一

百可堂云。有一士夫。性極貪取。人不遺錙銖而已。之所有一毫。不捨。或譏其吝。答曰。一介不與。聖人之道也。或曰。一介不取。君以為何如。曰。學而未能。曰。然則君只好學。得半邊聖人。

漢世老人

廣記漢世老人。家富儉嗇。惡衣蔬食。侵晨而起。侵夜而息。營理產業。聚斂無厭。而不敢自用。人或從之求丐者。不得已入內取錢。十自堂而出。隨步輒減。比至于外。緣餘半在。閉目以授乞者。復囑云。我傾家贍君。慎勿他說。令相效。而來。老人俄死。田宅盡官。

汰侈類

人抱甕

羊琇冬月釀。常令人抱甕。頭吏復易人酒。速成而味好。

悉純

武帝食王武子家悉純。肥美異常。問之。答曰。以人乳飲。純帝甚不平。不畢食便去。

為甚的

宋郊居政府。上元夜。讀周易。弟學士宋祁點華燈。擁歌妓。醉飲。達旦。翌日。郊令人云。相公寄語學士。聞昨夜燒燈夜宴。窮極奢。

類談

後不知記得那○年○上○元○同○在○州○學○喫○齋○煮○飯○否○祁○答○曰○寄○語○稱○  
公○不○知○那○年○在○州○學○喫○齋○煮○飯○為○甚○的○  
連○人○在○任

蔡太師厨中人

不○時○一○士○夫○買○一○妾○自○言○蔡○太○師○府○厨○中○作○包○子○者○命○試○之○辭○  
不○能○曰○妾○乃○包○子○厨○中○縷○葱○絲○者○

香唾盃

炭○世○蕃○吐○唾○皆○美○婢○以○口○承○之○方○發○聲○婢○口○已○巧○就○名○之○曰○香○  
唾○盃○

回双陸

嚴世蕃有肉双陸飾美人三十衣裳緇素各半每對打美人聞  
聲該在某點位則自趨站之

嚴氏溺器

嚴公宦父子溺器皆用金銀鑄婦人而空其中粉面綵衣以陰  
受溺

淫箒

嚴氏籍沒時榻下堆棄新白綾汗巾無數蓋穢巾也每與婦人  
合輒棄其一歲終救之為淫箒焉

貪鄙類

類談



言志

昔有四人言志。一云吾願腰纏萬貫。一云願為揚州刺史。一云願跨鶴仙遊。末一人云吾志亦與諸君不殊。但願腰纏十萬貫。騎鶴上揚州耳。

抱雞養竹

唐新昌縣令夏侯彪之初下車。問里正曰：雞卵一錢幾顆？曰：二顆。彪之乃遣取十千錢，令買二萬顆。謂里正曰：未便要且寄雞母抱之。遂成三萬頭。雞經數月長成，令縣吏與我賣一雞三十錢。半年之間成三十萬。又問竹筍一錢幾莖？曰：五莖。又問：十千錢付之買得五萬莖，謂里正曰：吾未須筍且林中養之。至秋竹成一莖十文，積成五十萬。其貪鄙不道皆此類。

負布

燕宋該性貪。太祖欲厭其貪，賜布百疋，令自負。歸重不能勝，乃至僵項。

死友

孝感縣民劉尚賢、張明時二人約為死友。寔以利合也。偶夜行見穴，燐火識其地，掘之見銀笥。蠹起二人大喜，謂宜具牲醴祭。禱然後鑿取。劉已置毒盃中，令張服之。張亦腰斧而來，乘醉擊

類談

劉死而不知已已中毒也萬曆乙未年事

神仙酒

浙東桐廬縣舊有酒井相傳有道人詣一酒肆中取飲畢輒去釀家亦不索直久之道人謂主媪曰數費媪酒無以報有少藥投井中可不釀而得美酒乃從魚鼓中瀉出藥二丸投井中而去明日井泉皆甘醴俗呼為神仙酒其家用此致富凡三十年而道人復來閣門敬禮道人從容問曰君家自有此井以來所入子錢幾何主媪曰酒則美矣柰乏糟粕飼豬亦一欠事道人歎息以手探井中藥亦羅出置漁鼓中井復如舊

鷲忍類

以人命戲

齊主問南陽王綽在州何事最樂對曰多聚蝎于皿器置狙其中觀之極樂帝即命試之喜噱不已因讓綽曰如此樂事何不馳驛奏聞

剖視腸腹

閩主曦謂學士周維岳曰岳身甚小何飲酒之多左右曰酒有別腸曦欣然命梓維岳下殿欲剖視其酒腸或曰殺岳無能侍陛下劇飲者乃舍之

試荆

隋燕榮為幽州總管。道次見叢荆，堪為管筭，取以試人。人自陳無罪，榮曰：「汝有罪當免。」及後犯細過，將擗之人曰：「前許見宥，榮曰：『無過尚爾，况有過乎？』」擗如初。

周興

周興性酷，每法外立刑。人號牛頭阿婆。百姓怨謗，興乃榜門判曰：「被告之人，問皆稱枉，斬決之後，咸息無言。後有罪詔來，俊臣鞫之，俊臣方與興對食，謂興曰：『囚多不承，奈何？』興曰：『此易耳。』內囚大甕中，熾炭，周之何事不承。俊臣命取甕，熾炭，徐起揖興曰：『有內狀，推兄請入甕。』」

肉鼓吹

李匡達性忍，一日不斲刑，則慘然不樂。嘗聞搥楚之聲，曰：「此一部肉鼓吹也。」

杖妻

杜大中自行伍為將，與物無情。西人呼為杜大蟲。雖妻有過，以公杖之。之有愛妾，才色俱絕。大中牋表皆出其手，嘗作臨江仙詞，有「彩鳳隨鴉之句」，一日大中見之，怒曰：「鴉且打鳳，掌其面折項而斃。」

符生

前秦符生無一日七歲時祖洪戲之謂侍者曰吾聞瞎兒一淚信乎侍者曰然生怒引佩刀自刺出血曰此亦一淚也洪大驚鞭之生曰性耐刀槩不堪鞭捶後即位克暴時虎狼為虐不食六畜專務食人羣臣請禳之生曰野歟饑則食人飽自當止何禳之有

勇士相咬

齊勇者一居東郭一居西郭塗遇而飲索肉不得乃笑曰子肉也我肉也何別求肉為因抽刀割肉若贈啖之肉盡而死見呂

氏春秋

皇甫湜

皇甫湜嘗為蜂螫手指乃大噪散錢與里中兒及奴輩箕歛蜂窠山聚于庭命捶碎絞沖以酬其痛

穆寧

唐穆寧為刺史其子已為尚書給事皆分直供饌少不如意必遭笞杖一日給事當直出新意以熊白鹿脯合而滋之其美異常寧食之致飽諸子咸美以為行有重賞及食飽切杖之曰如此佳味何進之晚

類談

三三

王思

魏王思為司農性急嘗書蠅集筆端驅去復來再三思自起後劍逐蠅不得取筆擲地踏壞之

陳都憲

陳都憲嘗坐堂隅有蠅拂其面即怒叱從者擒拿從者紛然東奔西突為逐捕狀少頃俟其怒解稟問拳何人乃叱之曰是蠅又嘗岸帽取銀簪剔指甲失墜於地怒而起坐自拾簪觸地執數次方已

豐南隅

鄞縣豐南隅坊以建言有直聲居鄉性最暴朋友稍拂意即命幹人酖殺之其人應命必陰以告友即偽為中毒仆地坊見之必大笑盡訴其胸中之怒良久命昇出次日此友復來駭問所以不死狀伴應曰家中念汝得解坊即與飲好如初亦不追詰雖至厚之交一歲必三四酖焉

容悅類

代犧圖

天后疾遍祭神廟給事中間朝隱親撰祝文以身代犧沐浴伏於俎盤令僧道迎至神所觀者如堵張元一乃畫代犧圖以進

類談

大笑

偷媚

宋張說為承旨。士爭趨之。時富川王質與沈瀛風負聲譽。及同官樞屬。變以諂說為戒。衆聞而壯之。一日質潛往諂說升堂。瀛已先在。相視愕然。竟迫清議而去。

冒族

崇寧末策進士蔡巖。以阿附得首選。往謁蔡京。認為叔父。京命二子攸修出見巖。巖云。向者大誤。公乃叔祖。二尊乃諸父行也。

雞鳴犬吠

韓平原作南園于吳山上。其中有所謂村莊者。竹籬茅舍宛然。田家氣象。韓遊其間。甚喜。曰。撰得絕似。但欠雞鳴犬吠耳。既出遊他所。忽聞莊中雞犬聲。令人視之。乃府尹趙師罪所為也。韓大笑。

松壽

程松誦事韓侂胄。獻一妾名曰松壽。韓曰。奈何與大諫同名。荅曰。欲使賤名常達鈞聽。

金作首飾

太監懷恩得賜金二錠。轉奉錢溥。忻然受之。曰。當與房下作。

一外話  
首飾常上頂戴太監

敬名

馮道門客誦道德首章有道德可道非常道門客見道字是馮名乃曰不敢說可不敢說非常不敢說

謙稱

正德中一大臣投刺劉瑾六門下小厮嘉靖中一儀部郎謁翊國公云賦以小学生今復有自稱將進僕神交小子未面門生私淑門生沐恩小敢皆可嘔噦

萬拜

朱某  
之朱萬拜

誦事賈似道每進劄子必曰某萬拜時人謂

父誦子

蔡京未去位朝廷差童貫偕子攸往取辭位表京失措并子呼為公嚴嵩溺愛其子諸事以事白初尚曰與小兒語至後曰與東樓語東樓世蕃別號也

蔡攸嘗詣京上正與客語攸甫入遽執手為診視攸曰大人脈勢舒緩有恙乎京曰無之攸遽去客以問京上曰此兒欲以疾罷吾耳父子爭權古未有也

類

懷相國詩

金陵吳擴有詩名。曾有元日懷嚴分宜相國詩。一友見之。戲曰。開歲第一日。懷朝中第一官。如此便做到臘月晦。亦未懷及我輩也。吳雖笑而甚慚。

匾饅首

荆石公宴一巨室家。庖人進饅首。公方取一枚。值客語酬對。偶以手按而匾之。主人疑是公所好。明日特送饅首一大盒。約百餘。皆匾者。

奔喪

唐書高力士父喪。左金吾大將軍程伯獻少府監馮紹正。直就其喪所。被髮痛哭。甚于已親。宋史梁師成妻死。燕叔黨范溫皆衰經臨哭。尤可笑。

馮希樂

馮希樂善倭。嘗謁長林縣令。贊云。仁風所感。猛獸出竟。昨入縣界。見虎狼相尾。西去。少頃。村老來報。昨夜大蟲連食三人。令詰之。馮曰。是必便道掠食。乃言口後。

劉副使

某上舍不讀書。而好為勢交。一日。里人有讀陶公歸去來辭者。



至臨清流而賦詩。遽問曰：是何處臨清劉副使。幸攜帶往賀之。里人曰：此歸去來辭語。乃曰：只疑見任上京。若歸去者，吾不往矣。

倘若無人

賀美之典伊德載飲一富民家。民以德載貴人也。誦奉之而不識伊字。屢呼曰：尹大人。酬酢重沓。畧不顧賀。人斟大觥呼之曰：爾且與我飲一杯。不要倘若無人。

領過半揖

有吳生者老而趨勢。偶赴廣席。見布衣者後至。畧酬其揖。意殊傲已。而見主人恭甚。私詢之。乃張伯起也。更欲慙動。致札張笑曰：遠已領過半揖。但乞補還。勿復為勞。

顏甲類

急淚

宋世祖至廢貴妃墓。謂劉德願曰：卿等哭妃若悲。當加厚賞。劉應聲號慟。涕泗交橫。即拜豫州刺史。帝又令羊志哭。羊亦嗚咽。甚哀。他日有問羊者。卿那得此。副急淚。羊曰：我爾日自哭七妾耳。

唐宋士子

類談

唐時有士子奔馬入都者人問何急如此○答曰將赴○不求聞達○科宋天聖中置高第立園科許本人于所在自投狀求試時人笑之○

杜肅

拾遺張德生男私宰羊飲宴同僚補闕杜肅懷肉上表以聞○日太后謂德曰聞卿生男何從得肉德叩頭請罪太后曰朕禁屠幸吉凶不預卿自今名客亦須擇人出表示之肅大慚○

萬安

憲宗晏駕內監于宮中得書一小篋皆房中術也悉署曰臣安進太監懷息袖至闕下示萬安曰是大臣所為乎安漸汗不能出一語○

冒從姪

唐麗及第後登科錄記本例書名姓為麗有江淮舉子姓及者乃冒為從姪往京謁麗延納極喜問及族人都此麗氏乃訝之因問君何姓舉子惶曰叔姓及姪亦姓及何更相詰麗大笑曰君謬矣余自名麗何事見攀為族舉子狼狽謝去○

林連孫

陳嗣初太史家居有求見者稱林連十世孫坐少選陳取林傳○

俾其讀之讀至和靖終身不要無子客默然嗣初因贈詩曰和靖當年不要妻如何後代有孫兒想君自是閒花草不是孤山梅樹枝

李慶遠

中郎李慶遠初事皇太子後因恃寵請託遂屏之然猶以見親論人一日對客腹痛作楚曰遠太子賜瓜多食致病須臾霍亂吐出粗糲飯及黃臭此蓋客大嘲笑

劉生

劉生者好誇調嘗往弔無錫鄒氏客叩曰君來何晏生曰昨與

碩狀元同舟聯句直至丙夜是以晏耳少頃碩九和至問先生何姓客曰此昨夜聯句之人也生默然他日又與華氏子弟遊惠山手持華光祿一扇羣知其偽也不覺時光祿養病山房徐引入揖坐生不知為光祿因示以扇光祿曰此華某作先生何自求之生曰與僕交好二十年何事於求光祿曰得無妄言生曰妄言當創其舌衆笑曰此公即華光祿也相與開堂

修史人

李至剛修國史只服士人衣巾輒自稱修史人李至剛時館中諸公聞之大笑遂呼為羞人李至剛

假冒

唐李播典廡州。有李生來謁。獻詩播覽之。駭曰。此僕舊稿何。乃見示。生慚愧曰。某執公卷行江淮已久。今丐見惠。播曰。僕者為郡牧。此已無用。便奉贈。生謝別。播問何之。生曰。將往江陵謁表丈。盧尚書。播曰。尚書何名。生曰。私宣。播大笑曰。秀才又錯矣。盧乃僕親表丈。何復冒此。生惶恐謝曰。承公假詩。則并荆南表丈一時曲取。播大笑而遣之。

鬻婿

唐人榜下。擇婿號商婿。多有勢迫而非所願者。一少年美風流。為貴族所慕。命羣僕擁至其第。少年忻然而行。容無避遜。既至。觀者如堵。頃史有衣金紫者出曰。某有女。頗良。願配君子。少年鞠躬言曰。寒微得托高門。固幸。待歸家與妻子商量。如何。衆皆大笑而散。

閨誠類

潘妃

東昏侯寵畏潘妃。動遭呵杖。不敢忤。乃教虎賁不得進。大荆子

宣城公主

唐裴選尚宣城公主。選有外寵一人。公主遣閹人執之。截耳劓

類談

真列其陰皮。縵駙馬面上。令出廳。判事僚吏駭笑。上聞之。怒降公主為邸主。駙馬左遷。

裴談

裴談素奉釋氏。妻悍妬。談謂人曰。妻有可畏者三。少妙時視之。如生菩薩。安有人不畏生菩薩。男女滿前視之。如九子魔母。安有人不畏九子魔母。及五十六薄施妝粉。或青或黑。視之。如鳩盤荼。安有人不畏鳩盤荼。

安鴻漸

安鴻漸滑稽。懼內。婦翁死。哭于路。婦性素嚴。呼入幕中。詰之。何因無淚。安曰。以怕拭乾。婦曰。來日早臨棺。須見淚。安計窘。來日以寬巾。納濕紙于額上。大叩其額而慟。罷。其婦又呼入。詰之。曰。淚出于眼。何故額流。安曰。豈不聞水出高原。

四畏堂

王欽若夫人悍妬。不畜姬侍。王於後圃作堂。名三畏。楊億戲曰。可改作四畏。王問其說。曰。無畏。夫人王深以為恨。卒無嗣。

車武子婦

車武子婦妬。武子偶偕婦兄夜歸。宿外館。取一絳裙掛屏上。婦出窺。疑有所私。拔刀徑上牀。發被。乃其兄也。慚而退。

池水清

渠州人韓仲善飲博。多宿連于花柳之間。其妻怒甚。時復自來。驅赴同歸。嘗遊謁東川。經年方返。復致妓與博徒同飲。妻聞之。率女僕潛匿鄰舍。俟其筵合。遂持棒伺于暗處。伸不知。方攘臂。浮白唱池水清。聲猶未絕。腦後一棒打脫。撲頭撲滅燈燭。伸即。覓於飯牀之下。有坐客暗遭毒杖。復遣二青衣把髻子牽行。一步一棒。決之罵曰。這老漢何落魄不歸也。燭下照之。乃是同坐客。蜀人傳笑。遂呼韓為池水清。

擊僧

渭溪張氏族多。俱內少宗伯。午峯公之兄。號一山者。尤甚。一日。忤其婦。逼之急。匿房後樹上。婦持竹竿驅下。用鐵索繫之。柱。宗伯公見之。乃曰。我將見嫂。請釋兄。搖手低聲曰。且慢且慢。待他性過。自放。又一日。被青潛逃。鄰寺婦竟追至寺。一僧方酣臥。婦不暇詳視。竟以大杖擊僧。張目曰。小僧無罪。婦踉蹌而歸。

謝太傅夫人

謝公深好音樂。頗欲立妓妾。兄子外甥輩微達。此旨。因方便稱。閔睢螽斯。有不忘之德。夫人知以諷已。乃問誰撰此詩。云是周公。夫人曰。周公是男子。相為耳。若使周姥撰詩。當無此言。

如花

武○歷○陽○女○嫁○阮○宣○武○絕○忌○家○有○一○桃○樹○花○葉○灼○耀○宣○歎○美○之○便○  
大○怒○使○婢○取○刀○斫○樹○摧○折○其○花○

任瓌二姬

太○宗○賜○任○尚○書○瓌○二○艷○姬○妻○如○爛○其○髮○禿○盡○帝○聞○之○怒○偽○為○醉○  
救○擲○飲○之○立○死○如○不○如○即○不○須○飲○柳○氏○拜○救○曰○妾○與○瓌○俱○出○微○  
賤○更○相○輔○翼○遂○至○榮○官○今○多○內○嬖○誠○不○如○死○竟○飲○盡○無○他○帝○謂○  
瓌○曰○人○不○畏○死○不○可○以○死○恐○朕○尚○不○能○禁○卿○其○柰○何○

賀喪妻

解○學○士○嘗○弔○友○人○喪○妻○入○門○曰○恭○喜○繼○曰○四○德○俱○無○七○出○成○婚○  
嗚○呼○哀○哉○大○吉○大○利○蓋○學○士○夫○人○亦○悍○也○

面首

宋○文○帝○姊○山○陰○公○主○適○何○戢○謂○帝○曰○陛○下○六○宮○數○百○妾○惟○駙○馬○  
一○人○太○不○均○帝○笑○為○置○面○首○三○十○人○  
首取美髮

委蛻類

趙翁

趙○翁○肥○大○夏○日○醉○卧○孫○兒○輩○緣○其○腹○上○戲○以○李○八○九○枚○投○臍○中○  
後○日○李○大○潰○爛○翁○乃○泣○謂○家○人○曰○我○腸○爛○將○死○家○人○料○理○其○臍○

類談

類談

口口

得核乃知孫兒輩所納李也

貌陋

鄭畋少女好羅隱詩常欲委身一日隱謁畋命女窺之見其  
寢陋遂終身不讀江東篇什

短而樞

武德中崔善為歷尚書左丞甚得時譽諸曹惡其聰察因其身  
短而樞嘲之曰崔子曲如鉤隨例得封侯髀上全無項胸前別  
有頭

身短面長

梁宗好周尚書面狹長蕭譽戲之曰卿何為謗經如周曰身  
來不謗經蔡大宝曰卿不謗餘經正應不信法華經耳蓋法華  
云聞經隨喜面不狹長如周乃悟

中古冠

文中丞白湖頭止七寸時人稱其帽為中古冠孟子云中  
古冠七寸

縮頭

祖廣字淵度仕至護軍長史廣行常縮頭詣桓南郡始下車桓  
曰天甚晴明祖參軍如從屋漏中来

白髮



一夕話

進士李居仁盡摘白髮其友驚曰昔則皤然一公今則公然一

妾○有即官老而多妾鬚白令妻妾共鋪之妾欲其少去其白者

白鬚

妻忌之又去其黑者未幾願領遂空亦可笑  
桃源羅汝鵬年四十鬚大半白矣偶弔一喪家司賓驚曰公方

青衣鬚出

強仕何頓白乃爾羅曰今日不得如此  
眉赤水有青衣漸長友曰鬚出矣赤水曰鬚出陽關無故人

聶大年眇一目聘至京有欲識之者童大章曰何必識其人  
但多一耳少一目而已

又

徐蓀菴和眇一目常替千眼觀音云汝有千目衆皆了上我有  
双目一明一眇多者忒多少者忒少

口吃

後周鄭偉口吃少時逐鹿失之問牧豎牧豎亦吃偉以牧故為  
致已竟撲殺之

一夕話

類談

四六

俞漳水

吳有俞漳水工畫苑而足跛嘗過王府基有跛姬先行傍一童子戲效之姬方怒詈俞適踵至遂大恚曰彼頑童作短命事耳乃衣冠者亦復為之耶因極口罵辱俞自陳再四終不聽信

劉貢父

劉貢父王汾同在館中汾病口吃貢父為之贊曰恐是昌家周又製非類韓未聞雄名楊只有文氣鄧

茂彪

宣正間有御史茂彪者舌秃言澀侍西班有東班御史誤入西

班彪乃面糾曰臣是西班御史茂彪有東班與臣一殿御史不合走入西班然彪言為包班言為邦滑稽者因其言為一絕日間闔門開紫氣高舍香嘗得近神堯東邦莫入西邦去從此人憚茂包

聾大

唐左司郎中封道弘聾最大李勣浚曳道弘曰一言語公道弘驚轉斂容曰敬聞教勣曰聾聾聾酌坐得即休何須爾許大

夫婦

五代楊光遠病禿婦又跛足浚舉兵反人語之曰世寧有鬚鬚

天子○拐○脚○皇○后○耶○

儂美類

石動筭

高祖稱郭璞詩絕佳石動筭曰臣詩勝郭一倍上大不怡詰之  
曰那見勝處動筭曰璞遊仙詩云青溪千餘仞中有一道士臣  
則曰青溪二千仞中有兩道士不勝一倍乎上大笑

靴底

馮道和太同在中書一日和問馮曰公靴新買其直幾何馮舉  
左足曰五百和性徧急顧吏責曰吾靴何用一千馮徐舉其右  
曰此亦五百

石學士

盛度體豐肥一日自殿前趨出宰相在後盛初不知忽見即欲  
趨避行百步乃得直舍隱于其中石學士見其喘甚問之盛告  
其故石曰相公問否盛曰不問別去十餘步乃悟罵曰奴乃以  
我為牛

侯白

侯白好俳諧一日揚素與牛弘退朝白謹之曰月之夕矣素曰  
以我為牛羊下來耶

蘭玻

青州東門皮工王芬家漸裕○棄去故業○里人謀為贈號○芬喜○張席設宴○一點少曰○號蘭玻可乎○芬大喜○重酬少年○諸人俱不覺其義○後徐思蘭玻依然東門王皮也○

李章題壁

一故相遠冰在姑蘇嬉遊○書其壁曰○大丞相○丹從魯姪孫某○至此○士人李章好譎○題其傍曰○混元皇帝三十七代孫李章○繼至○

鳥官

陳太卿嘗畜小鳥○作籠為官○舡樣上列鹵簿榜其船曰鴻臚○

人問之笑曰鴻臚故是鳥官

龜飯

進士郭震任介皆西蜀豪逸之士○一日郭致簡于任曰○來日請餐龜飯○任往乃設白飯一盃○白蘿蔔○白鹽各一楮○蓋以三白為龜也○後數日任亦召郭食龜飯○郭謂必有毛物相戲○及至並不設食○郭曰何也○任曰飯也○毛蘿蔔也○毛鹽也○毛只此便是龜飯○郭大笑而別○

張端

張端為河南司錄府當祭社○買猪已呈尹○其夜突入司錄廳即

殺之吏白尹。問端答曰：按律，猪無故入人家，登時殺之，勿論。尹大笑，為別市猪。

兩淮

楊南峯嘗觀優而善之。因索紙判賞期，明日來取。優喜畢，獻所長。次日，羣優持票徵賞，揚笑曰：汝真欲賞乎？我愛汝戲快活，竟日汝貪我賞，亦快活。一夜與汝兩淮可也。

家人

有富翁鄉居，求楊南峯門對一聯，以翁之祖曾為人僕，楊乃題云：家居綠水青山畔，人在春風和氣中。上列家人二字，見者無

不匿笑。

猶加謹焉

王多澤太史善謹。一日謁郭桐岡太府，見一梳，犯乃其家用之。鋸匠也，預謂郭曰：既常解鋸矣，而于此猶加頸焉。郭大笑釋之。

癬方

客有患癬者，王曰：何不付鹽于患處，以磚燒熱，徐擦之，自愈。久而不效，以問王。王曰：磚鹽癬則絕無可知，此古方也。

遊赤壁

客有患赤鼻者，王教以油梳子熾熱，擦患處，自愈。及用之，愈赤。

又以問王曰吾但知蘇子遊赤壁耳

巡按許擊家

進士某差往貴州巡按未行一日有他御史過其家知某素慎內其室甚悍戲之曰朝廷今有特恩凡雲貴巡按皆許擊家自隨悍妻于屏後聽之信以為然遂裝束堅欲同行御史曰世無此理彼戲言耳王曰君子無戲言老賊欲背家娶妾為樂耶某托親党再三曉諭終不聽某竟以此請告不行

牛何之結

曾永齡平日不諳學宮師怒罰作一文以牛何之命題翟操筆立就結云按何之二字兩見于孟子之書一曰先生將何之一曰牛何之然則先生也牛也一而二一而一者也

王戎後身

廬江尹李公有門子甚荷寵一日諸僚畢集共諛之或云龍陽或云六郎霍山尹羅公獨曰此王戎後身李驚問故羅曰因前生鑽李公索債耳

龍德化

黃都龍太渠官郡守致仕其子名德化以鄉舉選官為府判臨之任太渠治觴餞之屬曰爾平日好謹今日居官不悞復爾德

類談

化起立應曰空尊承教了太渠不覺失笑

比玉居

有王生行一者美甚人多嬖之沈伯玉過其家見齊額頰曰比  
玉居伯玉曰此額殊有意移比字易出居內之古分明是屁古  
二字玉字亦王一二字也分合言之乃王一屁古四字

痔字

葉仲子一日論制字之妙友人以痔字難之沈伯玉曰因此地  
時有僧人往來故從痔舉大笑一少年不解葉曰異日汝自解

機警類

馬氏

袁隗妻馬氏季子長女少有才辯隗曰弟先兄舉世以為笑今  
袁姊未遠先行可乎對曰妾姊高行殊邈未遭良匹不似鄙薄  
苟然而已

諸葛瑾

諸葛恪父瑾面長似驢孫權大會客使人牽驢入題其面曰此  
諸葛子瑜恪請筆續兩字于下曰之驢奉坐歡笑乃以賜恪

元孚

五代周元孚好酒短而禿文帝於室內置酒十瓶各加帽以戲

一夕話

類談

五二

也

乎○入○見○便○云○吾○兄○第○無○礼○何○為○入○王○室○中○坐○宜○早○還○宅○因○持○酒○去○

秦宓

吳○使○張○溫○來○聘○問○秦○宓○曰○天○有○頭○乎○宓○曰○有○溫○曰○在○何○方○宓○曰○詩○云○乃○眷○西○顧○以○此○推○之○在○西○方○溫○曰○天○有○耳○乎○曰○天○處○高○而○聽○卑○詩○云○鶴○鳴○九○臯○聲○聞○于○天○溫○曰○天○有○足○乎○宓○曰○詩○云○天○步○艱○難○無○足○何○以○步○之○溫○曰○天○有○姓○乎○宓○曰○姓○劉○溫○曰○何○以○知○之○曰○天○子○姓○劉○以○此○知○之○

孔文舉

孔○文○舉○年○十○歲○隨○父○到○洛○時○李○元○禮○有○盛○名○為○司○隸○校○尉○詣○門○者○俊○才○清○稱○及○中○表○親○戚○乃○通○文○舉○至○門○謂○吏○曰○我○是○李○府○親○既○通○前○坐○李○曰○君○與○僕○有○何○親○對○曰○昔○先○人○仲○尼○與○君○先○人○伯○陽○訂○師○資○之○親○是○僕○與○君○奕○世○為○通○好○也○膺○問○欲○食○乎○曰○須○食○膺○曰○教○卿○為○客○之○禮○但○讓○不○須○謝○主○融○曰○教○公○為○主○之○禮○但○置○食○不○必○問○客○膺○嘆○服○曰○恨○吾○將○死○不○及○見○卿○富○貴○融○曰○公○殊○未○死○膺○問○何○故○答○曰○人○之○將○死○其○言○也○善○公○向○言○殊○未○善○適○大○夫○陳○遵○後○至○聞○斯○語○曰○小○時○了○大○未○必○佳○融○曰○想○君○小○時○必○當○了○

一又話

類談

五二



蔡潮

方伯蔡潮談笑風生。有同官迎都憲於江中。冬月羣擁爐坐。公至。烘然曰。蔡公至矣。請一譔談。蔡曰。無也。但昨聞江中盜劫商。艇俱檀降。牙香相與謀曰。賣之利微。棄之可惜。吾輩為此事。久矣。向賴天保護。盡焚此香。答之香氣。透天。上帝將謂人間作好事。令二力士訪之。非也。乃一羣老強盜。在此向火耳。滿座大笑。

公猴

三楊當國時。有一妓名齊雅秀。性極巧慧。一日命佐酒。衆謂曰。汝能使三閣老笑乎。對曰。我一入便令笑也。乃進見。問何來遲。

對曰。看書問何書。對曰。烈女傳。三閣老大笑曰。毋狗無禮。即答曰。我是毋狗。各位是公猴。一時京中大傳其妙。

江南妓

江南一妓有殊色。且通文。滁州胡尚書于許學士席上見之。問其名曰齊雅秀。胡公戲曰。臍下臭妓。曰。尚書可謂聞人。胡怒曰。此妓山野。妓器曰環滁皆山也。為之闕席。

趙孟頫

趙孟頫有一私印曰水晶宮道人。周草牕以瑪瑙寺行者對之。趙遂不用此印。後見草牕同郡崔進之藥肆。懸一牌曰養生主。

藥室趙以敢死軍醫人對之崔亦不復設此牌趙語人曰我今日方為水晶宮吐氣

劉原父

歐公與王拱辰同為薛簡肅公壻歐公先娶王夫人姊再娶其妹故拱辰有舊女壻為新女壻大姨夫作小姨夫之戲一日三人會間劉原父曰昔有一學究訓學子誦毛詩至委蛇委蛇學子念從原字學究怒而責之曰蛇當讀作姨字毋得再誤明日學子觀乞兒弄蛇飯後方來問何晏也曰遇有弄姨者從衆觀之先弄大姨後弄小姨是以來遲歐公為之喙然

禿字

包山寺僧天靈者博學通文有一士朝之曰禿字如何寫僧應聲曰秀字掉轉尾就是

大還丹

僧貫休有才辭羽士杜光庭欲挫其鋒適貫休馬墜糞光庭連呼大師大師數珠落地貫休徐曰大還丹大還丹

儒匠

有木匠頗知通文自稱儒匠嘗督工於道院一道士戲曰匠稱儒匠君子儒小人儒匠遽應曰人號道人餓鬼道畜生道

羊蟹

楊誠齋嘗戲呼尤延之為蝓蚌。延之呼誠齋為羊。一日食羊白腸。延之曰：秘監錦心繡腸，亦為人所食。誠齋笑吟曰：有腸可食，何須恨尤勝無腸可食。人世稱蟹為無腸公子，故也。

歐陽長孫

歐陽詢為人瘦小，極其寢陋，而聰敏絕倫。太宗常宴近臣，互令朝譔以為娛樂。長孫無忌先朝詢曰：聳膊成山字，埋肩不出頭。誰令麟閣上，盡此一猕猴。詢應聲曰：縮頭連背煖，漫檔畏肚寒。祇緣心渾，所以面團。太宗笑曰：詢殊不畏，皇后聞耶。

張元祖

張元祖八歲，虧齒先達知其不常，戲之曰：君口復何為狗實。答曰：正使君輩從此中出入。

郭魯

泰和魯給事，怵與郭工部愷飲間。魯朝曰：汝犬羊之轉乎。虎豹之轉乎。郭應曰：爾何曾比予。於是。

歸庠

皮日休謁歸仁紹，不遇。作龜詩嘲歸曰：硬骨殘形知幾秋，屍骸終是不風流。頑皮死後鑽應遍，都為平生不出頭。歸作氣毬詩。

嘲皮云八片尖皮切作球水中浸了火中捺一團閒氣如常在  
惹踢招拳卒未休

盧狄

狄仁傑戲同官郎盧獻曰足下配馬乃作驢獻曰中勞明公乃  
成二大傑曰狄字大傍火也獻曰犬邊有火是煮熟狗

崔季珪

冀州崔琰九歲應秀才舉時陳元方為州刺史戲之曰卿宗與  
崔杼近遠琰曰如明公之與陳恒

達毅王達

達毅主達同為郎中一日僉公移王戲曰每書銜名但以公上  
為我之下毅應曰君子上達小人下達

剪髮圖

元岳柱八歲時觀畫師何澄畫陶母剪髮圖指陶母手中金釧  
詰之曰有此可易酒何用剪髮何大慚即易之

輪迴報應

一人盛談輪迴報應慎無輕殺凡一牛一豕即作牛豕以償至  
蝼蟻亦然時許文穆曰莫如殺人衆問其故曰那一世責償猶  
得化人也

辨鬼

阮宣聞人說人死有鬼○宣獨以為無○曰○今見鬼者云着生時衣服○若人死有鬼衣服亦有鬼耶○

現燈

司馬溫公夫人元宵夜欲出現燈○公曰○家自有燈○夫人曰○無看遊人公笑曰○我是鬼○

左右手

劉諧性刻薄○而有口才○析產時○從其父巨塘○公乞一幹僕○父以與其兄諧爭之○父曰○兄弟左右手耳○彼此何別○一日父小恙○適諧來候○舒右手使撥糞○諧故取左手搔之○父曰○誤矣○諧曰○左右手○彼此何別○

字說

王荆公作字說○穿鑿杜撰○劉貢父問之○曰○牛之體壯○控鹿之○行速○控牛今犇麤二字其意皆反之何也○坡公亦問曰○以竹鞭馬為篤○不知以竹鞭犬有何可笑○又嘗舉坡字問荆公何義○公曰○坡者土之皮○坡公笑曰○然則滑者水之滑乎○荆公並無以荅○

又

東坡嘗語荆公○鳩從九亦有說○荆公欣然就問○東坡曰○鳴鳩在

桑其子七兮連娘帶爺恰是九個

牝牡雄雌

周丞相與客閒步園中翫羣鶴問曰此牝鶴耶牡鶴耶客從傍曰獸稱牝牡禽為雌雄丞相曰雄狐綏人狐非獸乎牝雞之晨雞非禽乎客不能對

捕蝗檄

錢穆甫為如皋令會歲旱蝗發而太與令獨詒郡將云縣界無蝗已而蝗大起郡將詰之令辭窮乃言縣本無蝗悉自如皋飛來者仍檄本縣嚴捕無令侵及鄰境穆甫得檄判云蝗本天災非令不才既自蔽邑飛去却請貴縣押來

雅浪類

捨命陪君子

李西涯在翰林時一日陪郡侯席過飲大觥醉而言曰治生令日捨命陪君子矣郡侯笑曰學生也不是君子老先生不要輕生

新閣老子

新閣老子有子不肖而其子之子却登第閣老每督責之曰翁父不如我父翁子不如我子我何不肖閣老大笑而止

類談

早雷

有人別謝公○流涕○此人不悲○左右云○向客殊密○雲公云○非徒○  
密○雲○乃○是○早○雷○

安給事生辰

安給事○蜀人○初度避生○同僚尾至○所在○蔡巨源戲曰○開一老  
鼠○一籠○中○猶○捕○之○不○得○以○鬚○畧○鼠○因○噴○嚏○猫○在○外○呼○曰○千  
金○豈○真○為○我○壽○誘○我○出○欲○嚼○我○耳○安○遂○出○

樊衣看飯

楊醫官傳食絹方為神仙上藥又一方有寒疾者蓋稻席當愈  
或嘲之曰君樊衣看飯大是奇方

死後佳

葉衡罷相歸一日病問諸客曰某且死但未知死後佳否一士  
人曰甚佳葉驚問曰何以知之士人曰使死而不佳死者皆逃  
歸矣一死不返以是知其佳也滿座皆笑

大八字

有以星術見王元美者座客爭扣吉凶元美曰吾自曉大八字  
不用若筮問何為大八字曰我知人上都是要死的

周文襄

周○文○襄○在○姑○蘇○目○有○根○男○子○生○兒○者○公○不○答○但○目○諸○門○子○曰○汝○  
輩○慎○之○

三甲進士

王○伯○固○令○太○和○一○士○昂○然○而○進○曰○一○等○生○員○告○狀○伯○固○歛○容○徐○  
答○曰○三○甲○進○士○不○准○

僧誦經

有○僧○誦○經○至○無○眼○耳○鼻○舌○身○意○黃○紫○芝○曰○僧○禿○其○頭○而○無○眼○耳○  
鼻○舌○更○成○何○物○僧○大○笑○

貓五德

萬○壽○僧○彬○師○嘗○對○客○猫○器○其○旁○謂○客○曰○人○言○雞○有○五○德○此○猫○亦○  
有○之○見○鼠○不○捕○仁○也○鼠○奪○其○食○而○讓○之○義○也○客○至○設○饌○則○出○礼○  
也○藏○物○甚○密○而○能○竊○食○知○也○每○冬○月○輒○入○灶○信○也○

阿房宮賦兩句

東○坡○在○玉○堂○一○日○讀○阿○房○宮○賦○凡○數○遍○每○一○遍○訖○即○再○三○賞○歎○  
至○夜○分○猶○不○寐○有○二○老○兵○給○事○左○右○坐○久○甚○苦○之○一○人○長○歎○曰○  
知○他○有○甚○好○處○夜○久○寒○甚○不○肯○睡○連○作○寬○苦○聲○其○一○人○曰○也○有○  
兩○句○好○先○一○人○怒○曰○你○又○理○會○得○甚○的○曰○我○愛○他○道○天○下○之○人○  
不○敢○言○而○敢○怒○

吾生老矣方何待子東坡



微詞類

清凉散

劉子儀不能大用。稱疾不出。朝士問疾。劉云：虛熱上攻。石文定在坐云：只消一服清凉散。

不語唾

憲廟永年。言官噤不敢言朝事。孫御醫者素善護人。問生疥何以愈之。曰：請六科給事中。餽之人問故。曰：不語唾可治疥也。

五經題

孝宗時主試鬻題。優人持雞出。曰：此雞價直千金。問曰：何雞而價高如此。對曰：五更啼也。

半日間

有貴人遊僧舍。酒酣誦唐人詩云：因過竹院逢僧話。又得浮生半日間。僧聞而笑之。貴人問僧何笑。僧曰：尊官得半日間。老僧却忙了三日。

趙良臣

有趙良臣者。延一西賓教子。其賓諱主人名。至孟子我能辟土。地章改良臣二字為爺。命其子讀云：今之所謂爺。上古之所為民賊也。

江萊羅刺時語

田大年主政丁憂家居語江盈科曰里中人見我貧有兩種議  
論一曰這人蠢作縣六年尚無房住一曰這人巧富而不露說  
蠢可耐說巧不可耐也江曰里中俗見重富不重廉說我巧到  
耐得

書午字

李義安謁富人鄭生辭以出義安乃于門上大書一午字而  
去蓋記牛不出頭也

滕甫類虞舜

滕甫有弟申狠暴無礼其母獨篤愛用是數凌侮其兄章子原  
與甫舊狎一日語之曰公多類虞舜然亦有不似者甫究其說  
子厚曰類者父頑母罵象傲不類者克諧以孝耳

鴛鴦樓

謝希孟每狎娼陸象山責之希孟敬謝他日復為娼建鴛鴦樓  
陸又以為言謝曰非特建樓且有記陸喜其文不覺曰樓記云  
何即口占首句云自遜抗機雲之死而天地英靈之氣不鍾于  
男子而鍾于婦人陸默然

元欽師

元欽字思若曾託青州人高僧壽為子求師○至○未○幾○逃○去○欽○  
以讓僧壽僧壽性滑稽反謂欽曰凡人絕粒七日乃死始經五○  
朝便爾逃遁去食就信寔有所闕欽乃大慚○

鄉老墾荒

即瑛與一鄉老遊山見荒地數頃土人曰欲送人召糧者老人○  
默然久之語即曰即當載米及鐵器令若干人來墾此地數年○  
可富矣即曰還須載生鉄數百觔老人曰何用即曰鉄○不○死○  
耳○

三星

北京吏部前諸小兒賣食物者常云相公每都是三星的○  
到此予初不知問之曰舉人進士是福星歲貢是壽星納監的○  
是財星也○

擲么

明皇與貴妃双陸命力士伏地以背承盤明皇呼紅貴妃呼六○  
久之力士在下呼曰須放奴婢起來也擲么○  
直腰

巧言類

黃幡綽

明皇與諸王會食寧王錯猴噴上鬚王驚慚不遑上顧其悚悚○

欽安之黃幡綽曰此非錯矣上曰何也對曰是噴帝上大悅

典史

元宗嘗登苑北樓望渭水見一醉人臨水卧上問左右是何人左右不知黃幡綽曰此是年滿典史上曰何以知之對曰更一轉入流上笑

尹字

蘇頲幼時有京兆令咏尹字乃云丑雖有足甲不全身見君無口知伊無人

姓名課

郭忠恕朝司葉聶崇義云近貴全為曠攀龍只是聶雖然三傳耳其柰不成聰再應聲曰莫笑有三耳何如蓄二心

王甘姓

唐時有甘洽者與王仙客友善因以姓相嘲洽曰王計爾應姓田為你面憊慙抽却你兩邊仙客應聲曰甘計爾應姓丹為你頭不曲迴脚向上安

王廬

北齊徐之才善譏常嘲王昕姓云有言則註近犬則狂加頸足為馬拖角尾成羊朝廬元明云卿姓在七為雀在丘為廬

人名

張○人○入○太○廟○為○齋○長○其○人○渺○小○動○以○苛○禮○律○諸○生○林○叔○弓○依○賦  
 朝○云○身○材○短○小○欠○曹○交○六○尺○之○長○腹○內○空○虛○之○劉○又○一○點○之○墨  
 又○詩○云○中○分○交○兩○段○風○使○十○橫○斜○文○上○全○無○分○人○前○強○出○此

安石名

劉○卯○與○至○安○石○最○為○故○舊○常○折○安○石○名○戲○之○曰○失○女○便○成○宥○無  
 以○真○是○如○下○交○亂○其○如○上○頭○誤○當○字○玉○大○慚○綿音

陳亞蔡襄

陳○少○卿○亞○維○揚○人○善○詩○滑稽○尤○甚○嘗○與○蔡○君○謨○會○於○僧○舍○君○謨  
 題○詩○屏○間○曰○陳○亞○有○心○終○是○惡○亞○即○索○筆○對○曰○蔡○襄○無○

上官弼

陳○亞○知○潤○州○幕○中○有○上○官○弼○為○亞○所○親○任○滿○將○去○謂○亞○曰○即○中  
 才○行○無○玷○宜○簡○調○譚○亞○曰○君○乃○上○官○弼○也○如○下○官○口○何○弼○笑○而  
 去○

賈黃中盧多遜

賈○黃○中○與○盧○多○遜○俱○在○政○府○一○日○京○中○有○蝗○蟲○盧○笑○曰○葉○間○所  
 有○乃○假○蝗○蟲○賈○應○聲○亦○聞○不○傷○禾○但○蘆○多○損○耳○

類談

蕪子瞻姜制之

蕪子瞻與姜制之飲姜舉令云坐中各要一物是藥名乃指子  
瞻曰蕪子瞻應聲曰君亦藥名也若非半夏定是厚朴衆請  
其故子瞻曰非半夏厚朴何故曰姜制之

陸遠

陸楚生遠係進士陸大成從堂叔大成發解南畿頗有聲望遠  
每對人呼大成舍他人多厭之時舟州在座譔云當不得他還  
一向遠阿叔也衆為捧腹

戚髯陳鑑

戚學士瀾美髯院中呼戚髯與陳司成鑑會宴投漆木壺陳  
戚曰戚髯投漆壺真壺也假壺也戚應聲曰陳鑑看臣鑑善鑑  
與惡鑑與

侶鍾強珍

都憲侶鍾與通政強珍同席強執壺勸曰要你飲四鍾侶應聲  
曰你莫要強斟

張更生馬千里

方千里一日會張更生方作一令戲曰古人是對更生今人是  
張更生手內執一卷金剛經問爾是胎生卵生濕生化生張答

曰○古○人○是○馬○千○里○今○人○是○方○千○里○手○執○一○卷○刑○法○志○問○爾○是○三○千○里○二○千○里○一○千○里○

石員外

石○中○立○員○外○嘗○與○同○列○觀○上○南○園○所○蓄○獅○子○主○者○曰○縣○官○日○破○肉○十○觔○飼○之○同○列○曰○吾○儕○反○不○及○此○石○曰○吾○輩○皆○員○外○即○敢○比○園○內○獅○子○

職方翰林

陸○式○齊○在○水○部○最○久○復○還○職○方○李○西○涯○戲○之○曰○先○生○其○知○幾○乎○曷○為○又○入○職○方○也○陸○應○曰○太○史○非○附○熟○者○奈○何○只○管○翰○林○耶○

劉貢父

沈○括○字○存○中○方○就○浴○劉○貢○父○哭○之○曰○存○中○可○怜○已○矣○眾○驚○問○之○曰○死○矣○盆○成○括○

石動簫

石○動○簫○嘗○詣○國○學○問○博○士○曰○孔○門○達○者○七○十○二○人○幾○人○冠○幾○人○未○冠○博○士○曰○經○傳○無○文○動○簫○曰○先○生○讀○書○豈○合○不○解○冠○者○三○十○人○未○冠○者○四○十○二○人○博○士○曰○據○何○文○解○之○動○簫○曰○冠○者○五○六○人○五○六○得○三○十○也○童○子○六○七○人○六○七○四○十○二○也○皆○大○笑○

一○說○又○問○三○千○弟○子○後○來○作○何○結○果○答○曰○二○千○五○百○人○為○師○

五百人為旅

二劉譚語

龍園劉燁嘗與劉筠聚會飲茗問左右湯滾未皆言已滾筠曰  
魚曰鯨哉燁應聲曰吾與點也一日連騎趨朝筠馬病足行遲  
燁問馬何遲筠曰只為五更三燁曰何末七上八言馬蹄既點該落步行

俗語歇後

吳中黃秀才相繼唇人呼小黃竅嘴讀書寺中一日寺僧進麵  
因熱傷手忒地黃作歇後語誑之曰光頭滑光頭浪光頭練光  
頭勒謂麵盪揸忒也僧即應聲駁曰七火八七青八七孔八七  
張八蓋隱小黃竅嘴四字黃亦絕倒

王三六四

王三名現恃才放誕陸子復行四每慎默于是無所可否現嘗  
以方直少之然二人極相善現嘗寢疾子復往候之現以方帽  
包裹坐複帳中子復笑曰体中小不佳何至是所謂王三惜命  
也現厲聲曰王三惜命何如六四括囊

談姓朝

齊王儉為吏部尚書時客有姓談者詣儉求官儉曰齊桓滅談  
那得有汝答曰談子奔莒所以有僕卒得職焉



君子之交

一士人家貧與其友上壽無從得酒乃持水一瓶稱觴曰君子之交淡如友應聲曰醉翁之意不在

合同而化

李本建嘗與文士飲汪司馬齋中有巧樣蘓製嵌銅錫壺以火猛燒流而化李曰此所謂流而不息合同而化汪方停盃嘆僕聞之大笑其怒遂解

溺愛不明

陸通明世居洞庭有吳生客于山一日陸內人臨產吳誦曰會美璋未陸曰暮生一女已溺之矣吳嘲其諱曰先生極明這事欠通了陸訝之吳曰豈不聞溺愛者不明

尤物移人

尤延之為太常卿楊誠齋為秘書監皆善詭一日延之誦一句請誠齋對曰楊氏為我誠齋應曰尤物移人

嘲回

金給事士希本西域人科中戲曰賢哉回也失偶再娶又相賀曰這回好个風流婿

大蟲類此

類談

張○急○塘○善○清○言○一○日○赴○徐○文○貞○公○席○食○鯧○魚○鯉○魚○危○人○悞○不○真○  
醋○張○云○倉○皇○失○措○文○貞○腰○捫○一○蟲○以○齒○斃○之○血○濺○齒○上○張○即○云○  
大○蚤○類○此○文○貞○解○頤○

陸伯陽

潘○滄○浪○避○逅○一○客○扣○姓○字○客○曰○姓○陸○字○伯○陽○潘○笑○曰○齊○景○公○有○  
馬○千○駟○民○無○得○而○稱○焉○大○有○羊○值○甚○的○

王和尚

吳○僧○姓○王○因○兄○登○第○还○俗○娶○婦○而○氣○極○驕○眾○甚○鄙○厭○一○日○偶○同○  
宴○會○眾○謂○優○人○曰○王○和○尚○頗○作○怪○汝○可○謂○之○因○演○蕪○季○子○傳○帝○  
起○課○者○有○黃○河○尚○有○澄○清○日○豈○可○人○無○得○運○時○之○語○優○念○云○王○  
和○尚○有○成○親○日○起○課○人○無○得○運○時○眾○大○笑○王○逃○席○去○

無法無聊

都○人○陳○延○之○見○一○僧○與○中○貴○遊○金○陵○講○刹○因○叙○款○曲○戲○曰○二○君○  
不○是○無○法○即○是○無○聊○

吳妓張蘭

吳○妓○張○蘭○色○麗○而○年○已○就○暮○一○日○客○携○遊○山○陸○龍○石○戲○曰○老○便○  
老○還○是○箇○小○娘○陸○有○太○医○割○付○張○應○声○曰○小○便○小○也○是○个○老○爹○  
眾○皆○鼓○掌○

醜婦八字

南里先生娶妻求国色故久而不就一旦為媒氏所欺反奇醜  
父子往賀因詢其庚甲欲為推筭南里先生閉目搖手而答曰  
辛酉戊辰乙巳癸丑蓋言新有婦人一似鬼醜也  
生年命缺更去書之

琵琶卜

唐張鷟至洪州聞土人何婆善琵琶卜與郭司法往質焉士女  
填門餉遺塞道何婆心氣殊高郭再拜下錢問其品秩何婆乃  
調絃柱和聲氣唱曰小丈夫富貴今年得一品明年得二品後  
年得三品更後年得四品郭曰何婆錯矣品少者官高品多者

官小何婆改唱曰今年減一品明年減二品後年減三品更  
年減四品更得五六年總沒品郭大罵而起

補遺類

八字無憑

昔趙韓王時有軍校與同年月日時若趙有一大遷除軍校則  
一大責罰小遷轉則軍校微有譴叱

嶽神戲夢

浮碧山之神惟東嶽最靈凡以夢祈者應如響邑中有父子同  
應鄉試者禱于嶽以夢示曰汝往問秦卷三孺人可矣二人未

解所謂偶下山見一丐婦浣于河間之曰秦粵三孺人者為誰  
其婦張目叱曰汝奚問為益此婦與邑少年秦粵三狎故有是  
號忽聞其語而心慙之也二人猶未悟對曰吾欲問我父子誰  
中其婦罵曰入你娘的倒會中其年父果中

學裡先生

莆田一秀才往九鯉湖求夢曰明日所遇官即尔功名次日  
遇鍾御史李大參皆其里人生大喜告以故李曰學鍾先生鍾  
曰學李先生皆言當如其官也後僅以歲荐任教職卒人始悟  
為學中先生學裏先生云

諱咸在榮章

嘉靖初諱官顧鼎臣諱孟子咸丘榮章至放勳且落語侍臣皆  
驚顧徐云竟是時已有二十歲矣衆心始安

小試冒籍

華亭人冒籍上海小試憤其不容大書通衢曰我之大賢與于  
人何所不容我之不賢與如之何其拒人也上海人答云我之  
大賢與何必去父母之邦我之不賢與焉往而不三

當乾一頭

王季重與錢岳陽請易誤以乾為巽岳陽曰如子言當巽一口

季重曰如子言當乾一頭也

孝子不跪

或吊一喪家鵠立若癡又不哭客出私謂季重曰今日孝子恭而無禮哀而不傷季重曰還是孝子不匱跪永錫惜爾顛淚

筆眼不上

秦諸明以制義質季重不敢不贊頌之閣筆求緩諸明曰何故季重曰你頭忒圈得快我筆眼不上

真羞百倍

季賓王笑王季重腹中空季重笑賓王腹中雜賓王曰我不怕雜諸子百家一經吾腹都化為妙物季重曰正極怪兒化珍真羞百倍未嘗不入君腹也

第半

一秀才專記舊文試出果佳誇示人曰此定第一季重曰還是第半秀才不喻季重曰那半是別人的

打個現在

王季重令茂陵至多宝寺一行脚僧瞑坐受人投札不為動季重詢主僧何得無礼主僧曰這師父打坐能打到過去未來季重曰看大號板子再替他打個現在快

頭談

從心

某有淫毒一友曰年已知命何為尔一日年固耳順也季重曰又從心新

忸怩

王季重偶于雪池神小滿倪如玉曰此是惶恚季重曰還是忸怩

壽星頭

有一士舉于鄉夢貼門神徐規之乃壽星也占之曰是宜慎頭乃蓋壽星頭長而貼于門是謂頭場貼出也而果然

中庸中有種子方

柯泉為寧波守嘗有鄉紳以無子為苦者柯曰中庸內有二語乃種子良方何不用之鄉紳驚問其說柯曰言其克積極其盛而發見當其可也鄉紳悟而大笑

狀元名異

明正統元年丙辰狀元周旋弘治九年丙辰則狀元朱希周正德九年甲戌狀元唐臯萬曆二年甲戌則狀元孫繼臯科分姓名適合如此可為奇合

娶妻買婢

人欲娶妻而未得謂之尋河覓井已娶而料理家事謂之擔雪填井男婚女嫁財禮奩具種人不可缺謂之投河奔井凡納婢僕初來時曰走盤珠言不撥自動稍久曰美盤珠言撥之則動既久曰佛頂珠言雖撥亦不動矣此雖諺語寔切事情

六頭子

燕市幫嫖者謂之篋片如桶板渙散非用篋片箱之則不結聚間中客媒合青樓之權亦猶是也南都幫嫖謂之六頭子進門在前頭謂引進至院者出門在後頭謂隨行不敢比肩也坐的是橫頭謂侍坐也吃的是骨頭謂番羹散以奉嫖者得的是抽

頭謂于娼家所得之錢十分收一賺的是了頭以酬其奔走之勞也

雅 齶

一夕話雅謎

咄 夫 偶 拈

字謎

齒 畢 二 字

點 字

又

水 字

回 回 二 字

頭 字

好 雙 大 脚 四 字

共 字

王 曰 雙 三 字

月 字

用 字

好 雙 大 脚 四 字

口 字

卜 字

一夕話雅謎

目一



又

秦字

他字

洲州二字

孕字

呆字

門字

閑館齏屈四字

賞字

四字

彭字

佯字

湯字

田字

王曰叟三字

井字

敬當赴飲四字

亞字

日字

儵字

禿字

強字

極字

火字

要要二字

井字

一字

又

又

春夏秋冬四字

晶字

墻字

隣字

賀資二字

物謎

風

雨

茄

竹

蜘蛛

魚

鶴

蛙

蛇

曆

書註

鏡

印

筆

木梳

蛛網

棉花槌

和尚小邊

虱

扇

骰子

當票

香爐

杖

針

等

氣毬

梯

破鍋

毬

火通

秤

秤錘

剪刀

木屐

線

靴

二僧二頭睡

洗衣

吹簫

人影

目瞳子

染布記號

火炮

草鞋

金剛

燈毬

手指

過山龍

叉口

筵

傘

雙陸

磨子

又

豆芽菜

又

面盆架

善富

鏡子

秤

草鞋

竹夫人

鷄

粽子

海螵

筆

夾剪

熨斗

二物

發粹

吊桶

門門

蠟燭

彈棉花

陰道人

流星

箕盤

骰子

草標兒

帳偶戲

鏡櫟

甌

傘

蜜蜂窩

竹簾

走馬燈

又

半邊銅錢

八

影戲

卯字

雜謎

此其大略也

天子討而不伐

其實皆什一也

千字文

子路不對

公孫丑

千字文一句

四古人

又

四地名

又

又

又

四官名

又

藥名

又

四病四藥名

四牌名

又

又

律

又

四花名

二花名

四鳥名

四虫名

敗子

朝香燭紙馬店

告子

司馬相如

淳于髡

司馬光左丘明

伍子胥申包胥

黃香

關盼子

王十朋

趙飛燕

李師

杜甫

衛青狄青

馮驩

王魯

申不害

謝安

蘓軾

癰疽瘡環

狄仁傑

微生高微生畝

盧莫愁

南子

孟施舍

林逋

孟仲子孟季子

衛青

晁錯

田單

三人

張耳李耳

黃蓋

四書名

虞姬

臧文仲臧武仲

叔孫通孫叔敖

四古人

南子西子

牛僧孺

四古人

呂蒙正

白樂天

卓文君王昭君

師

杜康韓康稽康

伊尹

米元章

司馬牛

米元章

林德韓東晉

卓文氏王紹

白樂天

同愚牛

母氏孫叔敖

蘭子西子

白樂天

一夕話

謎于何興厥惟結繩繼以有作春秋傳合孟中有禪覆之請  
參研之再研元而又元集雅謎

字謎

圖畢二字

一個字中有四箇口字一個十字一個字中有四個十字一個口字

月字

一夕話

雅謎

肩○上○有○背○上○有○胸○上○有○腿○上○脚○上○都○有○頭○上○無○面○上○無○耳○上○目○  
上○無○手○上○指○上○俱○無○

點字

寒○則○重○<sub>3</sub>○疊○<sub>3</sub>○熱○則○四○散○分○流○四○個○在○縣○三○個○在○州○在○村○裡○只○  
在○村○裡○在○市○頭○只○在○市○頭○

用字

一○月○復○一○月○兩○月○共○半○邊○上○有○可○耕○之○田○下○有○長○流○之○川○六○口○  
共○一○室○兩○口○不○團○圓○

又

重○山○復○重○山○重○山○向○下○懸○照○月○復○明○月○明○月○兩○相○連○

好○双○大○脚○四○字

女○子○同○眠○兩○又○齊○肩○人○挑○扁○担○月○去○耳○邊○

水字

多○一○點○又○冷○少○兩○點○又○小○換○了○一○畫○便○是○木○挾○直○兩○邊○便○是○川○

口字

唐○虞○有○堯○舜○無○商○周○有○湯○武○無○古○文○有○今○文○無○

回回二字

有○了○一○个○口○再○加○一○个○口○莫○作○呂○字○看○正○了○四○字○多○兩○點○橫○了○

雅謎





湯字  
曾點成湯

孕字

先寫了一撇後寫了一畫

田字

四山縱橫兩日綢繆富是他起脚累是他起頭

呆字

出自幽谷遷于喬木

王曰叟三字

兩山相連不相對兩山相對又相連兩山相對不相連一技文  
筆揮青天

門字

倚闌千東君去也霎時間紅日西沉燈閃人兒不見悶淹  
笑語無心

井字

一形二骸四支八頭一八  
字有五折井字為飛泉仰流

歛人義子名之曰二朝奉雖極富盛不能脫此名號有請之  
者具帖曰大井望蓋云橫來直去翻來覆去是二字也

雅謎

古言  
住區種

一云  
有二三  
別理  
其和則

招客隱閉館  
斃屈四字  
也  
末門公堂  
也  
官舍折脚  
也  
斬足露喪  
也  
尸出

復東隱敬當赴飲四字  
也  
文尚良賦  
也  
尚田趙龜  
也  
走卜空肚  
也  
欠食

賞字  
生員與和尚  
角口和尚不成  
和尚生員不成  
生員

若教有口便啞且要無心為惡中間全沒肚腸外面任生稜角

上不在上下不在下不可在上且宜在下

日字  
畫時圓寫時方寒時短熱時長

東海有一魚無頭亦無尾抽去脊梁骨便是這个子

儉字  
兄弟四人  
兩人大一人立地  
三人坐家中  
更有一兩口便是凶年  
也好過

雅迷

一○夕○話  
一○人○立○三○人○坐○兩○人○小○兩○人○大○中○間○更○有○一○二○口○教○我○如○何○過

禿字

鶯○上○燒○夜○香○上○頭○兒○放○在○香○几○上○我○只○道○是○僧○書○生○原○來○是○法  
聰○和○尚

春夏秋冬四字

三○人○同○日○去○觀○花○百○友○元○來○共○一○家○禾○火○二○人○相○對○坐○夕○陽○橋  
下○一○雙○瓜

強字

頭○帶○尖○頂○帽○身○掛○一○張○子○問○君○何○處○去○深○山○捉○大○虫

晶字

我○有○一○字○九○畫○六○直○問○孔○夫○子○也○猜○三○日

極字

木○子○又○一○口○非○杏○亦○非○呆○若○作○杏○呆○猜○真○呆○打○呆

牆字

兩○人○兩○土○兩○個○口○不○論○貧○富○家○上○有○上○人○猜○得○着○請○他○兩○包○三  
白○酒

火字

我○有○一○家○奴○身○背○兩○葫○蘆○喜○的○楊○柳○木○怕○的○洞○庭○湖

雅謎

隣字

粉蝶兒分飛去也怨才郎心已成灰年來一撇都丟下夕陽易去不回來

要要二字

無雙 兩個女子一般麗一樣打扮兩樣粧一个貪財無厭一个好色

賀資二字

井字 月字加兩點莫作貝字看貝字欠兩點莫作月字看

四十八箇頭

卯字

一字形如鷄卯常在月宮遊玩左有白帟為隣右有青龍伴會猜的要猜到明日天光不會猜的也要猜到明年春半二月建卯

時皮包頭大來皮忒頭四肢百解是了頭後來必是个老樹



頭

蜘蛛

上不在天○下不在田○中心藏之元○之又元○自西自東○自南自北○無思不服

魚

行○也○是○行○立○也○是○行○坐○也○是○行○臥○也○是○行

鶴

行○也○是○立○也○是○立○坐○也○是○立○臥○也○是○立

蛙

行○也○是○坐○立○也○是○坐○也○是○坐○臥○也○是○坐

蛇

行○也○是○臥○立○也○是○臥○坐○也○是○臥○也○是○臥

曆

看○時○有○節○摸○時○無○節○兩○頭○冰○冷○中○間○火○熱

書註

大○的○少○是○小○的○小○的○多○是○大○的○大○的○不○說○小○的○小○的○專○說○大○的

鏡

南○面○而○立○北○面○而○朝○象○憂○亦○憂○象○喜○亦○喜

雅謎

印

小○身○兒○不○大○千○兩○黃○金○無○價○味○搽○滿○面○胭○脂○常○在○花○前○月○下○  
用○印○必○于○年○月○之○下○花○押○之○前○

筆

少○年○髮○白○老○來○黑○有○事○禿○頭○閒○戴○巾○憑○你○先○生○管○得○緊○管○得○頭○  
來○弗○管○身○

木梳

黃○家○女○楊○家○婦○背○兒○滑○上○光○齒○兒○俐○伶○亂○法○強○私○通○私○  
通○不○到○頭○  
吳語梳  
私同音

蛛網

南○陽○諸○葛○亮○獨○坐○中○軍○帳○擺○開○八○卦○陣○要○捉○飛○來○將○

棉花槌

一○物○生○來○五○寸○頭○光○細○頸○堪○誇○佳○人○一○見○便○來○抓○揪○起○羅○裙○就○  
要○床○上○翻○雲○覆○兩○聲○音○好○是○琵琶○篋○來○眼○見○是○虛○花○弄○得○成○胎○  
線○罷○

和尚小遺

立○着○一○個○拽○着○一○個○放○了○一○個○走○了○一○個○

虱



壬申生乙酉養日吃肉只是不長

扇

原是竹州廉使轉升湖廣御史驚動五部尚書趕退翰林學士

骰子

小生年方二十一齒白唇紅眼如漆在燈前迎人送客燈背後無顏絕色

當票

來質不須言赴東君可自憐人居兩地空相戀財華日厭年華日添樂昌鏡合重相見怨嫦娥佳期早赴拋撇恐無緣

香爐

身兒圓子有耳不聽旁人言有脚不開行有口不說是和非有時熱心腸有時心灰意冷

杖

用則行舍則藏惟我與爾老不持顛不扶將焉用彼

針

磨得嘴兒尖望得眼兒穿推一推走一步私房路上去相連

等

賤骨頭巧郎君打扮我愛他識重知輕他倒也心多不亂

雅謎

十三

作杖

氣毬

乙丑○生○辰○亥○宮○坐○命○水○星○過○度○氣○字○來○臨○一○生○有○跌○撲○之○災○幸○有○貴○人○扶○持○

梯

傍○妝○臺○端○正○好○踏○莎○行○步○上○嬌○上○小○樓○節○上○高○

破鍋

一○人○有○疾○一○家○不○安○一○貼○補○藥○此○病○得○痊○拜○上○大○娘○二○娘○不○要○炒○刮○你○若○炒○刮○這○病○又○發○

打穀具

有道則見無道則隱瞻之在前忽焉在後

火通

一○若○動○火○便○把○腰○接○上○頭○親○嘴○下○頭○着○了○

秤

尺○四○寸○以○長○日○月○星○辰○繫○焉○所○求○于○人○者○重○而○所○以○自○任○者○輕○

秤錘

一○拳○石○之○多○吾○力○足○以○舉○百○鈞○舉○爾○所○知○爾○所○不○知○人○其○舍○諸○

剪刀

有○意○頭○相○合○無○情○脚○兩○開○中○間○分○已○定○長○短○任○君○裁○

雅謎

十切



人影

千里隨身不恋家。不貪茶飯不貪花。水火刀兵都不怕。日落西山不見他。

目瞳子

小小一箇身材。生來不惹塵埃。家住一泓秋水。被人喚作嬰孩。隱染布記號。

身居色界中。不染色界塵。一朝解纏縛。見姓自分明。

火炮

疊上重上。包裏中間一點赤心。威風能震天地。奈何不知保身。

草鞋

丟在這裡。只在這裏。縛在這裡。便跑了去。

金剛

立不中門。行不履闕。儼然人望而畏之。斯亦不足畏也已。

燈毬

我有紅圓子。治赤白帶。下每服三五丸。臨夜茶酒下。

手指

大者兩文。小者三文。十枚共計二十八文。

過山龍

一曲盤蛇初轉。渴飲寒潭。春暖霎時噴。礮簷前。四海五湖皆滿。  
又口  
無佛不開口。開口便成佛。盤多囉。咭多囉。破多薩。多佛多維陀。  
苑  
不用放在桌上。要用丟在地下。

傘

害了相思病。身體瘦如狀。巴得團圓日。不覺淚盈腮。

雙陸

吾十有五三十而立。色斯舉矣。翔而後集。

磨子

我的肚皮壓着你的肚皮。你的肚腸故在我的肚裡。

又

山疊了不高。路迢了不遠。雷轟了不兩。雪飄了不寒。

豆芽菜

有根不着地。有葉不開花。城裡城外有家了。不種他。

又

碧藥綻銀花。金鬚間玉芽。街頭乘露叫日出。即歸家。

面盆架

雅謎

二十七

六梁六柱六個頭六個獅子滾繡毬人子齊作揖宰相亦低頭

善富

兩脚長兩脚短頭上頂漆碗腰間打竹管

鏡子

皎子青天一輪明月兩個對語一個不說

利

三千兵馬上木州灣角將軍來領頭小秦王獨坐中軍帳討遲  
恭壓陣在後頭

草鞋

少時青子老來黃十分敲打結成双送君千里終須別棄舊  
新撇路傍

竹夫人

夫妻情通意不通滿眼烏珠肚裡空黃葉落時奴回去荷花出  
水又相逢

雜

一朵芙蓉頂上栽戰衣不用剪刀裁雖然不比英雄將喝得千  
門萬戶開

粽子

雅謎

二十

四角尖。草束腰。浪蕩鍋中走。遭若還遇着唐三藏。將來剥得赤條條。

海螵

此物出在東海西。又無鱗甲又無衣。雖然不入紅羅帳。常與佳人做贊兒。

筆

生根出處在揚州。檝來住在竹山頭。烏龍潭裏去取水。白沙灘上去開遊。

夾剪

大妙黑身材。逢人脚便擡。輕。推一下。兩片一齊開。

熨斗

銅船搖木櫓。船中載貨錦綉當江河。慢。搖船過。

二物

天上飛禽有乳。蝠。蟻。地下走獸無頭。鱉。

發棹

頭頂天地元黃。身披草服戎裝。遇着龍師火帝。露出珠稱夜光。

吊桶

圓。不用剪刀裁。巧樣人兒做出來。深。拜淚滿腮。裁。番待要。

投水死恩情不斲再回來

門門

兩片一條夜不能賊發火起拔出亂跑

蠟燭

身穿紅襖綠衣裳滿腹文章直肚腸只因害了心焦病流出相思淚幾行

彈棉花

莫不是子牙渭水灘頭釣莫不是伯牙流水高山操只聽得白雲堆裏數聲雷原來是落花滿地無人掃

陰道人

鷄鳴而起中道而立益烈山澤而焚之大人之事備矣

流星

來時明星朗月去時黑暗無光好一片熱心腸撒在荒郊路傍

箕盤

一宅分為二院五郎二女成家兩家打得亂如麻打到清明才罷

骰子

姊妹們家輕狂穿紅着綠引才郎苦了多少風流客害了多少

一夕話

雅謎

二十

十九



富家郎

草標兒

賣的不要叫買的先知道。及至買成了。两家都不要。

長馬戲

有大人之事。有小人。一人之身。而百工之所為。備吾聞其語矣。未見其人也。

銳楔

有放心。而不知求方寸之木。可使高松岑樓。

甌

將軍身是五行精。日上巖山望赤誠。待得功成身又退。空將心腹為蒼生。

傘

偶因一語。兩象抬舉。反被多情。睛又別離。送得即君歸去也。倚門獨自淚淋漓。

蜜蜂窩

放之則弥六合。收之則退藏于密。

竹籬

不用刀。只用篾。勒碎風。劈破月。

雅謎

走馬燈

但見爭城以戰不見殺人盈城是氣也而反動其心

又

團了遊了又來遊無个明人指路頭除却心頭三昧火鎗刀人馬一齊休

半邊銅錢

四書一句不能成方圓又骨牌名天地合

曲牌名一个懶画眉骨牌名一个八不乾俗語一句撒脫

又一句忘八

影戲

做得好又要遮得好一般也號做子弟兵有何面目見江東父老

流水筒

當初守節甚清高今日失節做个下流人

雜記

此其大畧也

鄉○裡○人○不○識○得○木○梳○

天○子○討○而○不○伐○

太○監○穿○空○靴○

其○實○皆○什○一○也○

四○七○二○十○八○不○是○二○十○八○三○八○二○十○四○不○是○二○十○四○五○六○得○三○

十○又○不○是○三○十○  
伏○其○欠○二○字○以○出○

千○字○文○

一夕話

雅謎

廿三

二百五十個銅錢

子路不對

圍棋盤裡着象棋

公孫丑

父的神頭鬼臉子的子鬼臉神頭

千字文一句

錢王蓮抱石投江節王十朋獨守空房義錢安撫為官清正廉

鄧尚書告老還鄉退

四古人

佳人伴醉索人扶賈島露出胸前冰玉膚李白走入帳中尋不

見羅隱任他風雨滿江湖潘閔

又

人皆戴子瞻帽仲長統君寔新來轉一官司馬遷門狀送還

王介甫謝安石潞公身上不曾寒溫彥博

四地名

父母安康身又貴重慶府聖禽盤遠半天飛鳳翔府舖兵私拆

公文字開封府天賜禎祥沒是非吉安府

又

一

雅謎

十四

兩隻船兒相並行合州賀了壽且賀婚姻重慶虔誠拜禱祈安

泰保寧船中說話到天明叙州

象牙解板造成船貴州造得船兒不用錢饒州三月三夜撐不

到池州相公還在倉裡眠瑞州

又東方漸日將昇建陽縣長亭人馬接公卿侯官縣三百文錢

過一渡貴溪縣聖旨招安百姓寧詔安縣

四官名

東風解凍百花生春坊相引王孫摘錦回掛詩伸手高扳紅典

紫探花幾多枝葉出牆來員外

又

一聲霹靂天下聞同知晝夜行走不留停給事

藥名

醫生舖裡盡皆空沒藥修寄音書無筆踪白芷船因水急斬休

掛防風回過階頭跌了翁滑石

又

江上乘騎赴水潮海馬不勝將軍棄甲逃敗醬赤瑩丹頭撲過

雅謎

十五

夜宿砂曉來披露掛征袍砒霜

四病四藥名

十謁朱門九不開常山滿頭風雪却回來傷寒歸家懶覩妻兒面暴頭撥盡寒爐一夜灰火丹

曲牌名

別來懷恨積奴腸繫人刺鳳挑鸞羅綉筐綉停欲寫衷腸無刺紙意不慵妝蛾黛少張印懶眉画

又

金屋婢娟影主東錦堂情人有紙總成空期假記過少年騎竹

馬要孩兒看上又是白頭翁鮑老

又

花落殘紅滿徑鮮鋪地沉吟懊恨不成眠怨相鏡寫塵掩頻倚倚救盼看長安各一天望遠

律

墮水兒夫音信無沉匿自作紅救篆字符私造潛出重門并江海私渡驀地乘舟偷過湖私船下海

又

大小老婆班次亂妻妾不分長幼做夫妻尊卑問得清白無私

雅謎

廿六

一  
文  
詩  
屈○辨明自家夫配自家妻○同姓為婚

四花名

日出東方只一個牡丹洞賓飛得太湖過水仙佳人眠在麝蘭  
中瑞香妻凉少个人同臥芙蓉

二花名

水上浮来一片磚石榴一個雞卵抱三年芙蓉

二菓名

鷄唱行人就去棗子從今一去不回桃

四鳥名

娘子房裡巧梳妝画眉丈夫路上想家鄉鸞鷲池邊老樹無枝  
葉老鴉一個孩兒兩個娘鴿子

四虫名

風吹蠟燭溜銀臺蜈蚣謹寄家書拆不開蜜蜂婆嫁女兒嫂不  
捨留姑二八佳人端秀才踏郎

敗弓

争帝圖王勢已傾無靶八千兵散楚歌聲無弦烏江不是無船  
渡無梢羞向東吳再起兵無面

朝香燭紙馬店謎

雜謎

子

八月桂花兩浚開○無香霸王夜宴點燈臺○無燭三等後頭直發○  
放浚紙將軍出陣轎兒抬○無馬

告子

吾語汝

司馬相如

業握兵權樞府坐于今○不必避齋頗

淳于髡

人○道○沙○門○都○好○善○那○知○我○却○勝○如○他

司馬光

滿街兵部燈籠那敵東山日月

伍子胥

諸○郎○無○一○肯○登○科○都○到○縣○間○來○作○吏○怎○能○得○紆○紫○披○朱○穿○一○領

猿裘而已

黃香

不○是○桂○花○印○菊○花○梅○蓮○蘭○蕙○不○如○他

關盼

玉○門○西○如○天○上○朝○也○望○來○暮○也○望

王十朋

雅  
謎



一夕語  
周武有亂臣握手如雷陳

趙飛燕  
往來韓魏中間幕不入尋常百姓家

李師  
童子六七十人還有友五人只道三人中有一人誰知還有二千五百人

杜甫  
寅卯合戊巳人稱羨男子

衛青 狄青  
兩人名同姓却差鬱鬱葱鬱氣色佳一在河南一塞北三于年是奮冤家

馮驩  
八駿齊驅六駿先散一駿在傍觀者不見

王魯  
除却歐蘇韓柳外當年豈少大家文

申不害  
猿猴坐命宮那復怕刑冲

謝安

雅述

一夕話  
落花滿地無人掃  
半夜敲門不吃驚

蘇軾

孔子到吳門見其倚于衡

癰疽

瘠環

彭城病倒老亞父  
仙宮瘦損太真妃

狄仁傑

生在丙戌宮  
其人盛德更英雄

微生高

微生高

兩人同是双姓名  
分上下之間  
一个螞蟻在山  
一條糞蛆在田

盧莫愁

慮到心枯無點血  
如何拍手笑呵

南子

陽變陰女變郎水  
大未濟請參詳

孟施舍

分明孔子之徒  
却做沙門之事

又

國人皆以夫子將復為發棠

林逋

雅謎

三十一

甲乙之鄉可以逃亡

孟仲子 孟季子

兩人姓同名又同中間行派却不同  
搃是大房親骨肉二叔三叔開烘

衛青

瞻彼淇澳漪々匪綠

晁錯

眼下桃花半落方嗟往事都差

田單

東幾畝西幾畝看着契兒自楚

三古人

既無私又無私自可為天下法  
公明儀便敗了也不笑偷棋摸  
着公輸子便走了也不是曳兵棄甲  
公行子

張耳

李耳

你家的長我家的短聽的好不厭  
難道你自家獨不聽見

黃蓋

有時放有時收終日不離太守頭

四書名

雅迷

一女話  
三代只有中間好  
公孫丑讀書讀到九千九百還嫌少萬章餘  
功還去教兒曹  
告子不啻梁惠王之于國了盡心

虞姬  
不是娥皇即女英  
如何不號君夫人

臧文仲  
臧武仲

兩人姓同派又同中間名字却不同善哉善哉兩人中一個西  
班一個東

叔孫通  
孫叔敖

強啞  
兩人姓雖稍別序來都是我的舍姪一個頗是聰明一個忒煞

四古人

四一人一字相同此字常在口中吾父之孫兄及弟九宮八卦盡  
皆通  
易牙

南子  
西子

只道陰陽不顛倒如何離兒搃稱男

牛僧孺

是人不是人一分是獸二分人雖說二分人又非冠帶老成人  
四古人

一女話

雅謎

唐○堯○既○尔○高○蹈○陶○潛○泰○伯○又○復○逃○荆○務○讓○張○良○博○浪○一○推○秦○韓  
世○忠○漢○家○演○得○梨○園○一○木○劉○伶

呂蒙正

本○是○東○吳○智○將○今○為○大○宋○端○人

白樂天

囊○中○不○費○一○文○錢○賞○盡○清○風○與○明○月

卓文君 王昭君

二○美○姓○名○各○別○梢○頭○一○字○無○差○一○个○兒○芳○草○天○邊○半○缺○一○个○兒  
瑩○上○白○玉○無○瑕○大○名○煥○爛○更○光○華○不○在○公○族○之○下

師上

庾○公○之○斯○學○射○于○尹○公○之○他○尹○公○之○他○學○射○于○夫○子

杜康 韓康 稽康

子○美○致○書○退○之○別○來○幸○各○無○恙○有○人○附○報○平○安○却○在○山○陰○道○上

伊尹

君○不○君○藏○姓○名○姓○有○人○名○無○人

米元章

民○以○食○為○天○通○場○第○一○篇

司馬牛

一少話

雅誥

三三

今有受人之牛羊而為之牧之者不識長馬之長也以羊易之

米六章

不識長馬之長也以羊易之

米六章

不識長馬之長也以羊易之

卓

赫

赫

惠公之饋學根于兵公之饋兵公之饋學根于夫子

無暇大名煥爛更光華不在公族之下

苦  
毒

苦海

一夕話苦海

咄々夫偈拈

盧延讓

包賀

高教會

權龍襄

宋宗子

雪詩

李廷彥

詩僧

重複詩

宋景文

安祿山

風詩

胥詩

一夕話苦海

目一

老兒詩

排笑詩

村婦

宰予晝寢講章

周有八士講章

顏車馬講章

上大人丘乙巳解

褚歸

陳獻章

徐州士

吳郡士

齊門童

長短破

能近取譬

短破

書馬犬事

苗振

胡旦

董公遠

經於溝瀆

飲水

魚我所欲也起股

熊掌亦我所欲也中股

閔子騫冉伯牛破

牛羊父母破

王見之點題

乘桴浮於海

賢哉回也一節破

夫人自稱曰小童

五十而貢

卒然見於面提股

挾秦山以趨北海虛股

殺雞為黍二句中股

人見其濯尾股

弥子之妻三句後股

孝經策題



岳母房事

邑丞通文

中官通文

武臣文飾

祭母文

寄子書

附前賢詩病

許渾

楊盈川

王禹玉

高英秀

曹唐

貫休

賈島

張枯

孟浩然

張師錫

程師孟

柳嗜卿

柏詩

張文潛

張仲達

曹公右軍

銀花合

露哥上

錢昭度

白樂天

蘇子瞻

路程帳

語病

富貴詩

裴說

韓白文友

易安雪詞

詩鬼正誤

一夕話苦海

目三

累字病

驗亦合

聚中對

醉替

錄補益

靈哥

曹公軍

張文替

附書

一夕話

海外有海厥名曰苦山海經不屑收地輿圖所不譜怒者讀之笑不休悶者聽之亦起舞故在作者則攢眉歎氣曰苦哉苦哉而在選者則拍手大樂曰苦不苦集苦海

盧延讓

盧延讓葉詩二十五舉方登第卷中有狐衝官道過狗觸店門開之句張濬每稱賞之又有賊猫臨鼠穴晚犬舐魚砧為成肉兩賞栗爆燒檀破猫跳觸昂翻為王建所賞盧謂人曰平生謁

一夕話

苦海

盡公卿不意得力于狐狗貓鼠

包賀

進士包賀作詩多粗鄙之句如苦竹筍抽青擷子石榴樹挂小餅兒又霧是山中子船為水靴鞋又掉搖船掠鬢風動水槌胸俱可笑

高敖曹

高敖曹嘗為雜詩三首其一塚子地握槩星宿天圍碁開壘甕張口卷蓆休剥皮其二相送重相送相送至橋頭培堆兩眼淚雅按滿胸愁其三桃生毛彈子瓠長棒樵兒牆欹壁凹肚河凍

水生皮

權罷襄

龍襄有秋日述懷曰簷前飛七百雪白後園疆飽食房裏側家糞集野娘參軍不曉請釋襄曰鷄子簷前飛直七百文洗衫挂後園乾白如雪飽食房中側臥聞家中糞堆集得野澤蟻娘談者嗤之曰老哇

宋宗子

哲宗朝有宗子好為詩而鄙俚可笑嘗作即事詩云日煖看三織風高聞兩廂蛙翻白出澗蚓死紫之長溼聽琵琶鳳饒拋接

苦海

二

建章邇來屋東坐打殺又何妨人問詩意答曰始見三蜘蛛織  
網于簷前又見二雀鬪于兩廂廊有死蛙翻腹似出穿死蚓如  
之字方喫溼飯聞鄰家彈鳳棲梧食饅頭未畢關人報建安章  
秀才上謁接章既歸見內門上画鍾馗擊小鬼故云打殺又何  
妨  
相傳登廁詩有板側尿流急坑深糞落遲句法似此又有  
日出桌八脚後門三晒漿騎驢思毋舅觀画憶三娘隔壁老  
婆子與夫一夜相亦可笑

雪詩

唐人有張打油作雪詩云江上一籠統井上黑窟窿黃狗身上  
白○狗○身○上○腫○又陸詩伯雪詩云玉皇大帝賣私鹽一個蘓州  
拖○麪○煎○又云昨夜玉皇哀詔到萬里江山都帶孝

李廷彥

李廷彥獻百韻詩于上官中云舍弟江南沒家兄塞北亡上官  
惻然曰君家凶禍一至于此廷彥曰寔無此事因對偶親切耳  
一客譔云何不言愛妾眠僧舍嬌妻宿道房猶得保全兄弟

詩僧

讀李廷彥

郎中曹瑛有僧以詩卷投謁閱首篇是登潤州甘露閣云下規

一  
話

苦海

三

揚子○小○瑛○曰○何○不○道○卑○吠○狗○兒○肥○次○闌○一○篇○送○僧○云○猿○啼○旅○思  
凄○琰○曰○何○不○道○犬○吠○張○三○嫂

重複詩

雍熙中一詩伯作宿山房即事對曰一個孤僧獨自過闌門閉  
戶掩柴扉○半夜三更子時分○杜鵑謝豹子規啼○又咏老儒詩曰  
秀才學伯是生員○好睡貪軒只愛眠○淺陋荒踈無學術○龍鍾衰  
朽駐高年

宋景文

宋景文修唐史好以艱深文淺易之說○歐公思有以訓之○  
大書壁曰宵寐匪禎○札闡洪休○宋見之曰非夜夢不祥○題門大  
吉○耶○何○必○求○異○如○此○歐○公○曰○李○靖○傳○云○震○霆○不○假○掩○聽○亦○是○類  
也○宋○大○慙

安祿山

安祿山好作詩以櫻桃寄其子作詩云櫻桃一籃子○半青一半  
黃○一半與懷王○一半與周贄○羣臣請曰聖作謔高妙○但○以○一○半  
與○周○贄○之○句○移○在○上○于○韻○更○為○穩○叶○祿○山○怒○曰○我○兒○豈○可○使○居  
周○贄○之○下○乎

風詩

苦海

三詩人相集聯句。詠風字。戒勿露題。其一人詠曰：白波江上盡  
茫。其次曰：落葉紛。舞樹旁。其三人曰：鄰家有个張三老荆  
芥煎湯沃腎囊。前二人曰：此何預風事。荅曰：他腎囊瘵。可不是  
風耶。

胥詩

蕪人有二壻者。長秀士。次胥吏也。亦薄之。次壻恚甚。請試。翁指  
庭前山茶為題。咏曰：據看庭前一樹茶。如何違限不開。花信牌  
即仰東風去。火速明朝便發芽。翁曰：詩非不通。但純是衙門氣。  
再命咏月。咏云：領甚公文離海角。奉何信票到天涯。私渡閩津

猶可怒。不合。黃夜入人家。翁大笑曰：汝大姨夫亦有此詩。何不  
學他。因請誦之。聞首句云：清光一片照姑蘇。蘇曰：此句便差了。  
月豈偏照姑蘇乎。頌云：照姑蘇等處。

老兒詩

正統時。魏尚書驥好吟詩。不計工拙。嘗有老兒詩。鄙而可笑。詩  
云：漸覺年來老。病磨兩肩酸痛。脊梁蛇耳。牽眼。暗牙根。蛀腿軟。  
腰疼。鼻涕多。臘毒頭。瘋時又舉痔。瘡亦氣不能和。更無酒積微。  
微發腹響。追肛可若何。至今傳之人口。

排笑詩

寧波好事者有一詩嘲分守官云布議蘓崑李  
 州崑山縣李姓  
 者分寧只點工怒揮門不炮上以指揮門責鋪夜無籠也  
 籠庫出塔收生燒接縣東縣家東西接買真無得皂為  
 收塔照人家照物收生燒接縣東縣家東西接買真無得皂為  
 真皮靴并留綠老宜葱買綠段鋪戶偶持葱白  
 要皂靴  
 村婦

脚撇哩斜拖破鞋渾科不像女娘家手中拿飯沿門戲背上馱  
 兒着壁伽隔戶借盞常賴碟對門燒火弗擔柴更無換糞無刀  
 當扯住油瓶只管節

宰予晝寢講章

有為蒙師學究講宰予晝寢一節講章云夫子設教于杏壇之  
 上洙泗之濱方進午膳忽聞鶉之嘶睡之聲夫子驚而起曰斯  
 何人也其回也與回也不惰殆非也其由也好勇殆非  
 也其參也與參也日醒又非也跡而視之則其人姓宰名予向  
 在言語之科者夫子蹴之起跪而責之曰夏后氏以松可雕也  
 斲人以柏可雕也周人以栗亦可雕也汝則朽木不可雕也教  
 汝則糞土之牆不可朽也及肩之牆亦可朽也即是小兒之面牆猶可朽  
 也汝則糞土之牆不可朽也吾將以擊磬之槌擊汝而已失之  
 于衛吾將以叩頸之杖之汝而已失之原壤必湏以誅正邾之

此段

每

刑○誅○汝○方○可○以○做○衆○而○刀○鋸○又○在○魯○庫○之○中○吾○今○用○何○物○誅○汝○乎○用○何○物○誅○汝○乎

周有八士講章

越○人○請○周○有○八○士○節○曰○注○云○四○乳○而○生○八○子○謬○也○乃○是○一○胎○所○生○或○問○何○據○曰○觀○其○命○名○之○義○可○知○達○聲○一○個○括○聲○一○個○突○然○一○個○忽○然○一○個○夜○裏○一○個○話○同○話○越○青○夏○得○罷○一○個○隨○即○一○個○了○讀○了○為○裏○又○是○一○個○豈○非○一○胎

願車馬講章

山○東○人○講○子○路○願○車○馬○一○節○云○咱○今○衣○敝○緼○袍○怎○得○高○車○駟○馬○指○望○一○日○發○跡○那○時○必○有○大○士○一○輪○車○高○上○一○疋○馬○一○領○羊○皮○襖○咱○這○裡○有○朋○友○們○沒○有○那○時○節○誰○個○肯○借○與○他○咱○都○不○吝○就○是○那○朋○友○把○咱○的○車○兒○坐○破○了○馬○兒○騎○倒○了○羊○皮○襖○兒○穿○破○了○別○的○誰○個○不○恨○他○誰○個○不○惱○他○咱○這○裡○倒○不○咱○這○裡○倒○不

上大人丘乙巳解

上○大○人○丘○乙○巳○解○也○今○小○兒○舉○書○必○首○此○天○下○同○然○一○老○學○究○強○作○解○曰○此○孔○子○上○其○父○書○也○上○大○人○為○一○句○丘○為○一○句○乃○孔○子○名○也○乙○巳○化○三○千○七○十○士○為○一○句○言○一○身○所○化○士○有○如○此○小○生○八○九○子○佳○為

苦海



一○句○蓋○八○九○乃○七○十○二○也○言○七○十○二○人○更○佳○作○仁○可○知○禮○也○為○  
一○句○言○其○作○為○皆○仁○其○禮○可○知○也○如○此○解○法○大○奇○大○奇○

褚歸

褚○歸○應○試○作○大○舜○善○與○人○同○破○云○道○雖○貫○于○萬○世○善○猶○同○于○衆○  
人○見○黜○一○友○戲○慰○曰○公○以○尿○灌○對○油○筒○宜○其○黜○落○

陳獻章

陳○白○沙○獻○章○當○成○化○初○會○試○雖○負○重○名○亦○按○時○好○競○出○新○奇○作○  
老○者○安○之○三○句○題○其○破○云○物○各○有○其○等○聖○人○等○其○等○考○官○戲○批○  
其○傍○云○若○要○中○進○士○還○源○等○一○等○

徐州士

張○鰲○山○提○學○江○北○以○馮○婦○善○搏○虎○為○題○徐○州○一○士○云○馮○婦○一○婦○  
人○也○而○能○搏○虎○不○惟○搏○也○而○又○善○焉○夫○搏○虎○者○何○扼○其○吭○斬○其○  
頭○剥○其○皮○投○于○五○味○之○中○而○食○之○也○豈○不○美○哉○

吳郡士

王○荆○湖○學○博○談○及○吳○郡○一○士○作○今○交○九○尺○四○寸○以○長○題○文○中○將○  
九○尺○以○長○四○寸○以○長○分○股○又○一○士○作○二○女○果○題○文○中○二○股○立○柱○  
云○竟○非○不○欲○以○之○自○奉○也○舜○非○不○欲○以○之○奉○瞽○瞍○也○聞○者○絕○倒○

齊門童

苦海

一童居近齊門任蔣橋此橋以任蔣二土地廟得名也題出任土地者次之童即以蔣土地與任土地分主客二股

長短破

申于王云有作雖使五尺之童遠市莫之或欺題者破云以可欺之人居可欺之地而卒莫之或欺焉可以見天理之常存而人心之不死矣或嫌其欠簡捷他日作魯人獵較孔子亦獵較破云魯俗類聖人雷或又嫌其崑且晦須不長不短點切題面字眼方醒人目他日又作子之燕居申如也天子如也破云紀聖人之鳥慶甲之出頭而矢之側頭者也

能近取譬

一士作能近取譬題文質于唐六如唐稱贊不已士又再三求正唐曰細玩能近取三字不做覺偏枯此士嘿然而去

短破

時一友才甚高一人云君能作五六字破否即以君命名不俟駕而行試之友破曰王請度之一座絕倒忽一友曰余復能作一字破否造一辣梨過即指示曰能破此乎應声曰鞭衆友不知鞭字何解友曰鞭皮去毛者也書文猶質也質猶文也註余輩忘之耶羣友笑服

書馬犬事

歐陽公在翰林時常與同院出遊有奔馬斃犬公曰試書其事一曰有犬臥于通衢逸馬蹄而殺之一曰有馬逸于街衢臥犬適之而斃公曰使子修史萬卷未已也曰內翰云何公曰逸馬殺犬于道相與一笑

苗振

苗振名試館職吳丞相語曰宜稍溫習苗曰豈有三十年作老娘而倒綱孩兒者乎既試賦韻有王字振押云率土之濱莫非王不中選晏笑曰苗君竟倒綱孩兒矣

胡旦

胡旦作長鯨吞舟賦云魚不知舟在腹中其樂也融上人不知舟在腹內其樂也洩上又曰雙鬚竿直兩目星懸楊孜笑曰許大魚眼孔恁小又慶曆中試題為天子之堂九尺賦者曰成湯當陞而立不欠一分孔子歷階而升止餘六寸用孟子曾交言湯九尺史記言孔子九尺六寸事

董公遮

淳熙丁未洪景廬知舉一考官大笑絕倒問之則云試卷中有用董公遮說漢王事以公遮為董三老之名

一夕話

苦海

十

經心  
卷之七

經于溝瀆

督學使者試題乃豈若匹夫匹婦之為諒也二句有秀才以匹  
夫經于溝瀆匹婦經于瀆分作二此閱者評曰可惜两个人不得  
一處死

飲水

一蒙師出飲水二字課士文曰朝而飲水也暮而飲水也無時  
而不飲水也今日而飲水也明日而飲水也無日而不飲水也  
或批之曰瀉殺我的聖人打你一百

魚我所欲也起股

鱖而長馬非所欲也鱖而團馬非所欲也

熊掌亦我所欲也中股

朝而殮此熊掌也夕而殮亦此熊掌也

閔子騫冉伯牛破

四賢中二賢德行中可取也

牛羊父母破

二獸歸二親弟肆殺兄論也

王見之點題

仰而觀之牛見王也俯而觀之王見牛也

一夕話

吾海

十一

乘桴浮于海  
身辭魯國三千里  
暫別吾徒七十二  
賢哉回也一節破

聖人贊美於兩頭  
大賢受苦於中間

夫人自稱曰小童  
現夫人之自稱而邦君之好可知矣

五十而貢  
孔子知命之年  
子張學干千讀之日  
卒然見於面提股

卒然見也以此面繼往聖見卒然也以此面開來學

挾泰山以超北海  
不可北海可超之而挾泰山不可

殺雞為黍二向中股  
不殺其鷩焉不殺其鴨焉而殺其籠中之黃雞焉  
不見其妻焉而見其妻之二子焉

人見其濯也尾股  
當其斧斤未伐以前  
滿山青黃碧綠及乎牛羊既牧以後  
滿山枯木死灰

苦海

弥子之妻三句後啟  
弥子之妻即子路之妻可也  
子路之妻即弥子之妻亦可也

孝經策題

有錢唐葉生為太學官無學識有學士假作葉策題云孝經一  
爭義亦難明且如韋昭王是何代之王先儒領是何處之山孔  
子之志四時常有也何以獨言吾志在春孔子之孝四時常行  
也何以獨言秋行在孝既曰夫子沒而又何以有鯉趨而過達

岳母房事

有奉燕水之命以房典銀既成交而房價未足壻為東以促曰  
岳母房事至緊至緊早晚望公一慶以救其急

邑丞通文

某邑一丞素不知文而強效顰作文語其大令病起自憐消瘦  
丞曰堂翁深情厚貌如何得瘦又侍大令飲而大令將赴別席  
辭去丞曰乞其餘不足又顧而之他縣令修後堂頗華整丞趨  
而進曰山節藻梲何如其知也一日縣治捕強盜殺人令戾刑  
訊鞠盜哀號殊苦丞從傍撫掌笑曰惡人自有惡人磨

中官通文

嘉祐治平間有中官杜漸者好與舉子同遊學文談不悉是非

居揚州○凡答親舊書○若此事甚大○必曰○茲務孔洪○如此甚多○蘓子瞻過維揚○蘓子容為守○杜在坐○子容少怠○杜遽曰○相公何故○盍然○其後子瞻與同會問典容曰○為誰對曰○杜供奉○子瞻曰○今日不敢睡○直是怕那盍然○  
乙未後時○執陡新一浚○學吾心為課字○推敲易崇謂字曰○恒談易何言之曰○易談辨一時傳笑○  
武臣文飾  
宋慶曆中○河北大水○仁宗憂形于色○有走馬承受使臣到闕上問河北水災何如○對曰○懷山襄陵○又問百姓何如○對曰○如喪考妣○上詔閣門○今後武臣上殿○並須直說○不得文飾○

祭母文

黃陂有季先生○少未嘗學○長而好弄文墨○求人文稿○即曰文稿○見耒耜曰○來報見垂咳曰○垂亥○每控尺牘中用呵○稱醫家曰○國首蘭襲曰○蘭襲相量曰○相糧寫人號下加尊號○失記已寫已名○又書名具正幅○此等不可更僕數○里人更傳之一日○其母病卒○托邑人段祺作堂祭文○段即代為言曰○某年月日○見其後亡母○柩就封于某山○某不敢索文○攜于人謹寫兒胸中○所有而言曰○嗚呼○躬秉來振二十餘年○垂亥不聞○又經一年○人皆呵○我

苦海





博士李義山為文多檢閱書冊左右鱗次時號獺祭魚

王禹玉

王禹玉詩多用珍寶黃金白玉為對時號至寶丹有人云詩能窮人且強作富貴語看如何數日搜索止得一聯云胙脰化為紅玳瑁眼睛變作碧琉璃為之絕倒

高英秀

高英秀辨捷滑稽嘗與替字共議古人詩病云李山甫覽漢史王莽弄來魯半破曹公將去便乎沈是破船詩李羣玉咏鷓鴣方穿詰曲崎嶇路又聽鉤輅格磔聲是梵語詩羅隱雲中雞犬劉安過月裏笙歌煬帝歸是見鬼詩杜荀鶴今日過題人似着不知題後更誰題此驢子詩也不然安有四蹄

曹唐

曹唐寓金陵佛寺云水底有天春漠人人間無路月茫茫人謂之鬼詩羅隱咏牡丹云若教解語應傾國任是無情也動人謂之女子詩

貫休

釋貫休有咏漁父云眼前不見市朝事耳畔惟聞風水声梅聖俞曰此患肝腎風也又云盡日覓不得有時還自來曰此是人

家失却猶兒

賈島

賈島有哭僧詩云寫畱行道影焚却坐禪身唐人謂燒殺一活和尚

張祐

張祐柘枝詩云鴛鴦細帶拋何處孔雀羅衫屬阿誰白樂天每呼為問頭詩又謂是檢點七妓什物詩祐曰公亦有目連經長恨歌云上窮碧落下黃泉兩處茫茫皆不見此非目連訪母耶

孟浩然

孟浩然詩春眠不覺曉處上聞啼鳥夜來風雨落花聲知多少人謂是孟盲子荆公宅乃謝安所居地有謝公墩公賦詩曰我名公姓偶相同我宅公墩在眼中公去我來墩屬我不應墩姓尚隨公人謂與死人爭地界

張師錫

張師錫老兒詩五十韻摹寫極工中有看經嫌字小不免是老僧脚軟怕鞦韆不免是老婦

程師孟

程師孟知淇州作靜堂自愛之無日不到作詩曰每日更忙須

一古

苦海

七

一到夜深長是點燈來李元規笑曰此是登瀛詩也

柳耆卿

柳耆卿詞有今宵酒醒何處楊柳岸曉風殘月此乃舫公登瀛處耳

柏詩

杜甫武侯廟柏詩云霜皮溜雨四十圍黛色參天二千尺四十圍乃徑七尺無乃太細長也史稱防風氏身廣九畝長三丈按廣大尺九畝乃五十丈四尺如此防風之身乃一餅餠耳此文章之病也

張文潛

張文潛常云子瞻每笑天邊趙盾益可畏水底右軍方熟眠謂湯燭了王羲之也

張仲達

張仲達咏白鷺詩曰滄海最深處鱸魚啣得歸或戲之曰佳則佳矣爭奈鷺鷥嘴脚太長也

曹公右軍

吳人多謂梅子為曹公以望梅止渴事又謂鵝為右軍士寫札帖云醋浸曹公一毫湯燭右軍兩隻見者大笑

一活

苦海

銀花合

張昌齡蘇味道俱有詩名。一日昌齡曰某詩所以不及相公者為無銀花合也。蘓有觀燈詩火樹銀花合星橋鐵鎖開之句。蘓曰公雖無銀花合還有金銅釘。張有贈張昌宗詩曰昔日浮丘伯今同丁令威。故云相與撫掌。

露哥

米元章嘗作詩云飯白雲、啗子茶、甘露有兄人、問露兄故寔乃曰只是甘露哥耳。

錢昭度

錢昭度咏方池云東道主人。心匠巧鑿開方石。貯連漪夜深却。被寒星照恰似仙人一局棋。或曰此一局黑全輸也。

白樂天

白樂天云笙謔歸院落燈火下樓臺。又云歸來未放笙謔散。畫戟門前蠟燭紅。非富貴語。看人富貴者也。楊蟠金山詩云天末樓臺橫北固。夜深燈火見揚州。王平甫云莊宅牙人語也。解量四至。吳僧錢塘白塔院詩曰到江吳地盡。隔岸越山多。余謂分界。堠子語也。

蘓子瞻

話

苦海

九  
穉子瞻云歲行盡矣風雨凄然紙窓竹屋燈青熒々時于此間  
得少佳趣一日舉似劉貢父貢父曰前數句是前行迷路誤入  
田螺精家中來

路程帳

太白七言絕句多是地名不免是路程帳

語病

唐詩有袖中草諫朝天去頭上宮花侍宴歸誠佳句矣但進諫  
必以章疏無直用草策之理唐人有云姑蘇城外寒山寺夜半  
鐘聲到客船句亦工矣其如三更不是打鐘時詩人貪求好句  
而理有不通亦語病也多此類

富貴詩

唐人作富貴詩多紀其奉養器服之盛乃貪眼所驚耳如貫休  
富貴詩云刻成箏柱鴈相換此下鬻彈者皆有之何足道哉又  
帝楚老蚊詩云十幅紅綃圍夜玉十幅紅綃為帳方不及四五  
尺不知如何伸脚所謂不曾近富家兒

裴說

廖凝好滑稽裴說嘗經杜工部墓以詩示之其句云擬鑿孤坟  
破重教大雅生親覽而笑曰吾謂足下為詩人不料君是劫墓

賊耳說甚慚

韓白文反

韓退之多悲詩三百六十首哭泣者三十首白樂天多樂詩二千八百首飲酒者九百首

易安雪詞

易安雪詞有曰悠々颺々做盡輕模樣又夜半蕭々窓外響此詞當是日裡做一半夜裡做一半蓋一是眼見一是耳聞也

詩鬼正誤

虞文請在宜黃時嘗倚樓吟詩有五更鼓角吹殘雪之句

